

Theodore
Besterman

127



Digitized by the Internet Archive
in 2009 with funding from
Research Library, The Getty Research Institute

Clariss. Pictoris et Geometrae
Alberti Dureri / de varietate fi-
gurarum et flexuris partium ac
gestib. imaginum / libri duo / qui
priorib. de symmetria quon-
dam editis / nunc primum
in latinum conuersi
accesserunt.

Anno M. D. XXXiii.

Ad lectores in sequentes libros prefatio.

Cum de artificio picturæ cōpositos libros ab Alberto Durerō, partim voluntate erga ipsum mea adductus, partim etiā coactus amicorū precibus quæ Imperij vim habere viderent, in manus accepissem conuertendos in linguam Latinam, Gensi fortunam successus non sane respondere studio meo, eoq; singulari cum mihi tum illis satisfaciendi qui nobis hunc laborem imposuissent. Neq; id adeo mirum mihi cogitanti visum, quod non satis explorato pondere subtilissem sub materiam cui ferendæ parū sufficerent vires meæ. Id me siue in cupiditate gratificandi petentibus a me hoc opus, siue negligentia mea principio sane fugerat. Quare fuimus eo maiore anxietate in processu quo minus et prouisa grauitas et integrū iam erat abijcere semel susceptum onus. Quod ipsum si facere licuisset, expedita via fuerat qua nos cura molestiaq; liberare potuissemus. Atq; in hac hæsitazione et depressione nostra, ut fieri solet, progressi sumus lentiore gradu, et quasi pedetentim. Itaq; libros primos duos tanq; recedentes, separatim latinos factos emisimus. Simul ut daremus specimē industriæ nostræ lecturis, simul ut hac in parte decursi spatij paulisper acquiesceremus. Simul etiā, quia esset in reliquis maiore attentione opus, quod sciremus primum quidem librum ab authore diligenter recognitum, ipsoq; illum viuo typis excusum fuisse, cum reliquorum editioni et castigationi morte præceptus decesserit. Atq; utinam Deo visum esset, ut illo superstite nobis hæc prouintia data esset, gerere et cupide et ut confido, cum laude voluissemus. Nunc illius desiderio, et fuit non nullum tædium, et occasio certe laudis morte ipsius amota est. Hoc autem cum opto, non modo respicio ad me et res meas, sed potius etiam ad illum et famam mortui, a quo sensi me valde diligi, quemq; ego merito ipsius feci maximi. Nec non studiosis quoq; harum rerum vtilia vota facio. Extarent enim profecto hæc scripta ab authore ipso edita, nō minima parte sui sed vniuersa, ad eum modū composita, ut maxime et doctis admirationi, et studiosis omnibus fructui essent. Nunc etsi neq; illi parui pendere, neq; hi parum adiuvare poterunt. Tamē illa excellentia curæ et elaborationis fortasse requiratur, qua nihil est pulchrius neq; præstabilius. Videre etiam hoc amici Dureri nostri, qui inchoata iam excusione operis, et absoluto primo libro cū auctor diem suū obijisset, perduxere ad finem hunc laborem, cū accurata admonitione, authorem editioni non affuisse. Hæc ego etiam hoc loco, in quo, ut dixi, quasi posito onere aliquantulum acquieui, recepturus illud duxi lecturis significandum, ut scirent quid a Durerō tantum modo informatū, quid per politum haberent. De nobis deque opera nostra supersedeimus in præsentia verba facere. Neque enim cum laudem nullam affectemus, metuendū ut opinor, ne quis qui reprehendere velit, futurus sit. Ut enim ille apud Virgilium ad maximam spem natus puer, imbelles feras nihil moratur.

Epumantemque dari pecora inter inertia votis.

Optat aprum, aut fuluum descendere monte Leonem.

Ita libenter prætereunt huiusmodi scripta facileque patiuntur latere Aristarchi, a quibus non celebratum sed obscuratum iri nomen suum perspiciant. Quid est autem hoc genere scriptorum, quod ad orationem quidem attinet, non solum ieiunius, sed penæ dixerim infelicius, ut misericordia digni, si quid ad hæc forte cōpuli sint, esse videantur, inuidiæ certe obnoxii esse non possint. Sed hæc ipsa pluribus memorauimus.

mus quam necesse fuerit. Quod autem de miseria horum scriptorum dixi quæ tali argumento taliq; fortuna sua traductore plane seruū accipiūt, si quis minus esse verū putat, licet periculum paucis ipse versibus faciat, nimirum intelliget multo me, quam res sit, parcius locutum. Quod superest si qui illa priora forte legistis, facite et hæc cognoscatis. Quæ profecto sunt ab arte instructissima, quo etiā nomine si quid compositioni defuerit, facile compensari pati debebitis. Et, si nihil ad hoc usque tempus vidistis in lucem emissum his de rebus melius, æquum fuerit hactenus quidem optimæ gratiæ animis amplecti nihil vidisse autem certum habeo. Ut enim restare huius artis eximia quædam ad huc præcepta veterum, neque funditus illa deleta esse. Ita etiam summa cum cura asservari arbitror, magis quam ullam Virginem, quas tamen poeta magister morum custodiri iubet multifariam communitis in thalamis. Quod si quando horū prodierit, Deo bene volente, aliquid, etsi, quicquid fuerit relinquet, etiā Dureriana non nullo in numero. Tunc tamen licet antiquitati venerabili priores iure optimo deferatis. Interea cum quod præ Durerianis petat, nihil extare compertum habeamus, officium vestrum feceritis si hæc ut optima amplexi, meliora cum vestigare tum sperare non desinatis. Quas proferri ille etiam cum obscuracione suorum vellet mortuus. Cum enim facile præstiterit multa variaque rerum scientia reliquis, tamen hanc etiā ipsam vicit illo in viro animi probitas, ingenuitas, liberalitas, moderatio, sanctitas. De quibus etsi rei magnitudinis exuperante, multo minus, multoq; exilius quam par erat, cum a nobis alibi dictum sit, nunc quidem verba facienda nō putauimus. Cæteræ hanc doctrinam non poterint, ut opinor, contemnere eruditi, cum enim est arte excolta, tum in usu iucunda, non hoc modo operæ et manū, sed intelligentiæ potius et iudicii. Quis est enim tam rusticus aut alienus ab omni elegantie sensu, qui non libenter bonam pulchramq; picturam cōtemplari soleat. Sed inter spectatores discrimē est ingens. Nā imperiti artis nihil neq; exquisite neq; cū certitudine aliqua cognoscunt. Sed coloribus et nitore tabularū tantummodo capiuntur, horum etiam humaniores argumento. Docti vero etiam particulas et singulatim omnia perconsunt, iudicioq; suo discernunt et perspiciunt. Ut illi eorum qui magnam hominum turbam simul salutent, hi autem eorum qui singulos appellent, similes esse videantur. Sed quoniam existimo statim ubi huic opus exierit futuros aliquos qui in ipsum quasi irruant, subq; sua præla abstrahant, Quantum quidem interfuerit studiosorum illud hinc accipere quam aliunde ubi secundū nostra expressum fuerit, Nō tam dicere facile est atq; ipsa re declaratur. Cum enim pene maior claritas et certitudo consistat in exemplis quā præceptis, neque fieri possit, ut illa traductionibus crebris nō violent, siue ipsis typis vitiatas, siue negligēter explicatis, ut usum et scientiam concedam maximam iis qui transferre velint, quis non videt quam in proclui errores pendeant, cum nobis compertum sit ab iisdem typis ipsis, expressas iterum figuras diuersas exiisse. Corrumpi autem aliorum aucthorum scripta sola in scriptione consuevere, huiusmodi in pictura etiā. Quo in genere quoq; sunt cosmographica illa phenomenon et Geographica. Sed de hoc ipsi viderint, ne si in hac parte immoremur, magis distractioni librorum, quam legentium comodis voluisse consulere videamur. Atq; hinc igitur deinceps Alberti doctrinam exponere aggrediemur.

Alberti Dureri mathematici et pictoris. De figurarum varietate libri duo.

Hoc in libro qui de pictura tertius a nobis instituitur, propositum est demonstrare rationes quasdam, quibus superius descriptæ figuræ corporum secundum membrorum et suam et inter se convenientiam variari pro arbitrio vniuscuiusq; possint, Siue cui opus grandius seu magis exilius forte placeat, Ita quidem vt omnia, alia quam dudum, et diuersa, neq; figuram neq; iam commensurationem pristinam retinere videantur. Atq; hæc similiter in virilibus ac muliebribus nec non puerorum imaginibus exponere decreuimus.

Principio notum intellectumque esse debet, Quibus de rebus figurarum variationes existere soleant, Harum genus est vnum in commensurationibus contrarietas. Cum autem contraria iunguntur magis illustra fiunt, quod in similibus non accidit. Huic generi hæc subiiciuntur.

Magnum.	Paruum.
Longum siue prolixum	Breue seu curtum.
Distensum seu dilatatum	Contractum.
Crassum	Gracile.

Quæ quidem differentie quantitatis sunt, Et in adijciendo detrahendoue in multo ac modico versantur.

Alterum est genus qualitatis in quo sunt differentie ætatum vt iuuentæ, Senectæ. Constitutionis corporis et modi vt macilentum pingue, durum, leue, Forme vt venustum amabile, Turpe ingratum, Itemque habitus vt curuum, rectum, æquale, inæquale, sublime siue excelsum, humile seu demissum, Rotundū, Angulosum, Acutum hebes, similiter et erectum, Transuersum, Obliquum, item positus vnde dextrum, Læuum, aduersum, Auersum, supra, infra.


Per hæc discrimina diuersitates figurarum exquiri poterunt. Quarum nunc deinceps exempla subiiciemus quibus præcipua ac pene sola harum rerum doctrina continetur. Ac primū proponatur differentia magni et parui. De qua dupliciter cogitandum. Primū quatenus hæc est totius erga totum, Quæ vñ magnum dicatur, paruum alterum, in quibus similitudo tamen et quasi eadē facies cōstare potest. Ita in quibus eadem ratio et convenientia partium ponitur, grandia possunt vel parua describi. Vt in delineationib; fieri videmus. Volūt enim similes vel Regias edes de forma adumbrata in cartis, extrusita et globum longioris diametri similitudinem habere cum altero cuius diameter multo sit breuior, nemo non dicit et sentit. Sed cum hæc differentia animaduertitur in partibus tum consequitur dissimilitudo totius erga totum. Vt si quis truncū corporis constituat grandiusculum, inferiora autem minuscula. Hocque ipsum vsurpari poterit omnibus in membris, Quæ variationes sunt in finite. Atq; his appellationibus magni ac parui vtimur respectu earum rerum de quibus rebus ille ponuntur inter se.

Proxima erat differentia proposita longitudinis et breuitatis. Voleat igitur aliquis certam effigie producere aut corripere, vt, exempli gratia, illā quæ virilis in primo libro et loco a nobis descripta est, is igitur animaduertet in prolixitate gracilitate et contractionem, in breuitate vero crassitiem et distensionem secundum propriam com-

mensurationem, Atque hæc cum fiunt utraque in ratione latitudinis et densitatis, spacia quæ in principali figura notata cernuntur, retinenda erunt. Si uero utraque effigies illa inq̃ producta et correpta hæc, accomodata fuerit ad altitudini principis imaginis. Tum illa latitudinis et densitatis spacia pro utriusque constitutione, longe diuersissima eriscent. At altitudinis spacia iam cōgruentia maximam dissimilitudinē præ se ferēt, propterea quod a principali figura hinc ad proceritatem illinc ad humilitatem discessum. Deque illa graciliora omnia et contractiora cū hac crassiora et distensiora facta fuerint. Atque hac uia singularū partiū altitudines in corpore conuenienter produci aut corripī poterūt intra notatas transuersas lineas designatrices altitudinis partium. Quarū si maiora inter ualla feceris effigies productior sin minora correptior erit. Quibus, ut dictum est, ratio densitatis et latitudinis nō uariatur. Sed illud productū et hoc correptum unam ab altera effigie discerni. Quarū postea in noua cōmensuratione a principali descriptione longe abitur. Id ipsum uero minutim perque singulas partes in producēdo ac corripēdo exquirere et nimium laborem et tædij haberet plurimum. Quare tota in hanc rationem certa doctrina sumus complexi de qua ministerio unius trianguli hæc quæ dixi recte et facile perficiantur. Hoc ita describes.

Lineam unam punctis duobus designabis, secundum quam altere duce longitudinis et breuitatis describantur. Hæc esto. a. b. tantæ altitudinis quanta fuerit primæ utililis figuræ in primo libro. Hanc diuides per altitudinem spacijs linearum transuersarū. Nam illis scis ostendi altitudines partium. Ab huius lineæ punctis a. b. deduces in propositū aliū ad dextram punctū c. lineas duas quæ in illo cōcurrentes, triangulū describant de basi. a. b. et similiter in eodē puncto c. productæ altitudinē oīm partiū lineæ cōcurrent postea iuxta hanc mediam lineā *περ αλλήλων* unā prolixitatis f. g. ad sinistram cōstitues, alteram decurtationis d. e. ad dextram uersus punctū c. Quorū qz a media uel hanc uel illam remotius posueris, hoc erit maius prolixitatis uel decurtationis discriminē. per has igit et ipsas transeūtes ille altitudinis medie lineæ diuidēt et ipsas pro unius cuiusque ratione conueniēter, itaque uti res fieri postulat. Huius trianguli figuram expressam subiecinus manu nostra. utilis futura multis et uarijs usibus. Estoque nomē illi uarianti. Nam uariantur huius ad iumentō partes rerū et admirabiles mutationes efficiuntur uel augmentatione staturarum uel diminutione, ut si propositā aliquam effigiem cuius altitudo complectatur spacia quæ essent illius capitis septena ad altitudinē capitis spaciōrum octonū nouenū, denū ue produce re libeat ad iacentes nimirum altitudini quæ fuerit intra caput sumum et plantam imam unius, duūtriūue capitum spacia. Quod idem et diminuenda statura accipiendū. Sed si staturam forte ut diximus prolongaris, accomodabis iam etiam productiusculū caput pro eo ac forma eriget proposita imaginis, ut conuenientia et decore custodiatur, idem pro natura rei et in decurtatione seruabitur. Sed tum si metiri uelis, altitudo non paria spacia capitum atque prius habebit. Hoc loco moneo uolentes usurpare hanc a nobis demonstratam rationem mutationis, ut in manibus et pedibus separatim a nobis superius descriptis cum magna diligentia et attentione, ut in re ne utiquam facili uersari uelint.


Sequitur forma. Variantis.




Ita igitur distinctis his omnibus lineis ut est præceptum, deinceps forma imaginis sua cuiusque inscribetur, Quod nos in præscriptis linearum exemplis ob cartæ paruitatem facere non potuimus, Sed fecimus per æqualia et congruentia altitudinis spacia in sequentibus, conseruatis debitis commensurationibus singulorum, hac via et ratione quæ exponitur, qua in omnibus volentes mutationibus vtantur licebit. Figura autem efficta ad lineam. f. g. erit gracilior et contractior, ad lineam autem d. e. crassior et distensior. Nec minus vsus erit huius variationis in illis gracilitatis ac crassitudinis, et contractionis ac distensionis modis, quæ in his prolixitatis ac breuitatis. Non autem est ab re et in consentaneum, cunctas imagines quasi æquali in exemplis altitudine describi, hoc est, ut vnius altitudo tantum cartæ occupet quantum alterius, quæ tumuis staturæ dissimiles sint. Ita enim in comparatione omnia illustriora et magis euidencia futura sunt. Hac eadem ratione poterit aliquis et in separatis partibus imaginum vti, sic vti aliquid illarum variet, aliquid non variet. Et tunc quidem quicquid vni detrahatur, alteri adijciatur necesse est. Idem intelligendum de singulis etiam in imaginis altitudine transuersis lineis, Et iuxta has attenuationis aut densationis, itemque contractionis aut distensionis. Quoties enim iuxta vnā propositam et principalem lineam in Variante hinc atque illinc alias duas statueris, declaratur omnibus in locis permutatio conueniens, illinc in prolixitate hinc in breuitate. Sed nunc deinceps, quo quisque modo officinam suam hoc triangulo instruere illoque si res poscat vti possit ostendam.


Principio ducatur linea transuersa de puncto. a. in punctum. b. quæ certo loco fixa sit. Ex huius puncto. a. producat alia. a. c. quæ quidem fixa sit illo in puncto. a. sed ab altero puncto. c. mobilis, ita ut cum transuersa. a. b. in eodem loco iungatur, ab puncto vero. c. remoueatur propius aut longius. Neque quisquam suspicatus sit me nunc sic de lineis ac punctis loqui, quemadmodum Geometræ consuevere, quibus hæc omnia cogitatione modo complectenda proponuntur. Nos enim nunc manuum operibus consulimus, Sed nihilo tamen minus, quæuis exprimi hæc omnia velimus, debent ipsa ad illorum quæ indiuidua et vnica sola mente intelliguntur, exactam et inuariabilem certitudinem referri. Sed eorum quæ diximus talis vsus erit. In tabella huic rei comparatæ transuersam lineam. a. b. inscribes, et in puncto. a. acum seu clauiculum firmiter affiges, huic annectes filum æquabile et validiusculum ut sericum, illudque intendes in altero puncto. c. quod repræsentet illam ab eodem puncto c. mobilem lineam. Posthac impones perpendicularem. d. e. in mediam transuersam a. b. His ad hunc modum præparatis scito in linea perpendiculari. d. e. statuendam propositam partem quam producere aut corripere velis, ita ut finiatur insidens lineæ transuersæ. a. b. postea filum quod est pro linea. a. c. intendes, ut supra attingat summitatem constitutæ partis in linea. d. e. Deinde quantum volueris prolixiorem illam partem facies. Hoc pacto. Ante lineam. d. e. prolixitatis quæ sitæ lineam duces similiter perpendicularem quæ supra extento filo lineæ. a. c. infra transuersa. a. b. definitur. Hæc sit exempli causa. f. g. si correptiorem facere volueris propositam partem, consequeris hoc ipsum de breuitatis linea, quæ perpendiculariter et ipsa statuatur in transuersam. a. b. post perpendicularem. d. e. versus. a. et supra definitur filo lineæ. a. c. Sitque hæc, verbi gratia, h. j.


Hoc pacto tribus perpendicularibus ordine in transversam subiectam impositis, Statuetur in media. d.e. propositæ et principalis longitudinis spatium, In citioribus f.g. illud ipsum productum, In ulteriore. h.i. correptum. Atq; hæc ipsa conuenienter utrimq; designat linea fili. a.c. cum ad summitatem lineæ. e.d. intenditur. Horum usus esse poterit in rebus innumerabilibus, etiã ubi spacioꝝ nomina dici nõ poterunt. Ut si nõ sit nominabile quora quæq; alicuius nota longitudinis pars sit, veluti vna 2. vna. 3. 5. 6. Huius præcepti exemplũ expressim⁹ inferius, vt oculis etiã legentiũ doctrina nostra subijceretur, Atq; huic instrumento nomen placuit indere Deligenti, quod seruiat delectui eorũ quæ in quaq; proposita re maiora aliquis minoraue facere velit. Atq; ex his præceptis et huius Deligenti adminiculo descriptæ sunt paulo post expressæ figuræ viriles gracilitatis et crassitudinis. In his variationibus animaduertendum, omnia corpora in productione, addensatione, dilatatione grandescunt, partes habere distantiores et quasi vastiores, contra quæcumq; corripiantur concurrentes magis et propinquas. Itaq; graciliores staturas aspectu etiam molliores existere crassioribus. Hoc instrumentum quadrantis plane figuram modumq; præ se fert, quod nos et ipsum curuis lineolis designauimus.




Sed sequentium imaginum productoris staturis sciendū adlectum esse ipsa
 altitudinis partem vnā 4. Etiam si quis vti hac ratione volet, is debet caput pau
 lo argutius accomodare, quo neglecto tota figura apparebit inuenustior. Cursum
 igitur versus mento leuato, aut supra aliquantulo de capitis summitate dempto, de
 ligentis beneficio partes cōmensurabuntur. Nos in exemplis de summitate nihil dem
 psimus, sed inde ad inum vsque mentum fecimus spacium duarum 15. ab summo
 autem mento ad summam vsq; frontē vnā. 10. distributis deinceps beneficio deli
 gentis omnibus altitudinis partibus, latitudo em̄ iam inducta et densitas retinetur.
 Huiusmodi etiam capitum ipsorum exempla iuxta effigies exemplorum, apposui
 mus. Spaciū pedis feci obtinere duas. 12. Nam exierat breuiusculus iusto, similiter
 et monticulū pedis non nihil cōplanauimus. Exigebat etiā figure venustas vt crus
 ra quæ ratio variationis subiecerat nūc etiam graciliora et contractiuscula describe
 rentur. Et huius imaginis densitatis commensurata spacia minus habent spacijs
 principalis imaginis parte vnā. 5. Hæc autem omnia quomodo recte fieri posse pu
 tarim, omnibus in partibus ac locis, diligenti et studiosa manu in exemplis delinea
 uimus, quo non verbis modo, sed re etiam ipsa instruerem legentes. De figura autē
 correptione monere hoc est visum. In descriptione Variantis per constitutam lineam
 principalis altitudinis a. b. duxi lineas duas obliquas, quæ in medio lineæ a. b. se
 mutuo scinderent. Ex igitur productæ a lineæ prolixitatis f. g. supra et infra, attin
 gunt lineas c. f. et c. g. atq; ex huius attingentice punctis ducta est decurtationis linea
 d. e. Cuius decurtationis figura si ad principalem altitudinem effingatur admodum
 crassescet, sicut hoc Deligentis instrumento efficitur. Capitis tamen et altitudo et las
 titudo ac densitas minuenda est, siquidem ad humanum modum respondere velu
 mus. Pedis autem spacium vnā. 6. obtinebit. Horum et ipsorum subiicimus exem
 pla, De quibus itemq; nostra doctrina facere quisq; poterit quod libuerit, seu produ
 ctiora siue correptione placuerint.









De differentia prolixitatis et breuitatis visum est, nunc quoq; tractare supra in libro primo descriptum caput in cubico quadrilatero per transversas et perpendiculares res dispartitum lineas. Hoc est, si illud intelligatur in cubo, qua ratione hic extendi, hoc est altior depressiove reddi, nec non cognosci possit, quid accedente altitudine, latitudinis decedat spacijs, et illa decedente, quid his accedat. Hæc communi voce ^{ἐτερογενή} ^{μήκη χήματα} dicuntur. Nos distinguimus, docendi causa, ob longo et prominente. De his talis esto doctrina. Proponatur cubus quadratus, id est, æquilaterum quadrangulum solidum concipiatur animo, huius enim cubi propria est appellatio. Sed altitudo esto spacium altitudinis supra in primo libro descripti capitis, quod caput principale nominamus. De cubo autem prius seorsum nonnihil explicandum quam ad descriptionem capitis perueniatur. Esto autem positum in vniuscuiusq; arbitrio, quantum attollere ac deprimere quantumue producere illum velit.


Sciendum cu
bium nominari
omne
ἐτερογενὲς
id est solidum
quadrangulum
ab autore.

Principio propositi cubi recti lateris primorem lineam notabis infra litera. a. supra. b. hanc ipsam lineam quantum libebit attolles, quodq; id altius factum fuerit insignies notis. a. c. postea lineam. a. c. transversam collocabis, et impones in illam perpendiculariter a. b. ita ut norma hac constitutione lineam. a. c. describatur, et angulum. a. contineat, mox de puncto. a. retrosum produces lineam. a. c. cuius productionis terminalis punctus sit. d. Ita in transversa. d. a. c. imposita perpendicularis. a. b. ad rectos utrinq; angulos apparebit. Tum obliqua linea supra triangulum concludes. Postea gnomoni seu cunei sive lignei modo ne fallacis, vnum latus accomoda ad obliquam lineam. b. r. ita ut angulus gnomonis attingat punctum. b. deinde normalem lineam ex angulo gnomonis deducito, quam ubi videris ad normam ut dixi deductam scindere transversam. d. a. c. ibi notam ponito. e. Quibus perfectis iam repertam scito convenientem, id est, ^{ἀνάλογον} lineam ad lineam. a. b. et lineam. a. c. Ea est linea. a. e. Sed deinceps exquirenda linea est inter. a. b. et. a. e. hoc pacto. Ambas lineas. a. b. et. a. e. coniunge ut vnā transversam describere videantur. Ea sit. e. a. b. Deinde constitue perpendiculariter vnā lineam in punctum. a. et insige circini pedem in mediam lineam. e. a. b. et alterum pedem colloca ad punctum. e. atq; inde circumage vsq; ad punctum. b. ut semicirculus describatur. Cuius circumferentia ubi secarit perpendiculariter in punctum a demissam lineam, ibidem appone notam. f. hoc erit spacium laterum latitudinis cubi qui principalis altitudinem excesserit, qui excessus designatus sit linea. a. c.

Similiter facies compressurus principalem cubum ut prominentiusculus fiat, nisi quod exeunt omnia a prioribus diuersa. Ut enim supra elatior fuit facta cubi altitudo ita fiet nunc humilior. Ut. a. b. describat iam lineam decurtationis. Sed latitudinem ita inuenies. Latus. a. b. accomodetur ad transversam decurtationis lineam. a. c. normaliter. Postea ultra punctum. a. deducatur retrosum linea. a. quæ deductio finiatur puncto. d. Mox obliqua etiam trahatur. b. c. Et postremo gnomonem vno latere sui appone ad hanc ipsam obliquam. b. c. ita ut angulus normalis attingat punctum. b. Et lineam inde normalem deduc in transversam. d. a. c. Quam ubi hanc scindere videris, ibidem statue punctum. e. Ita prior inuenta erit cōuenientiæ linea,

Inter duas. a. b. et. a. e. eaqz esto. a. e. Sed alteram conuenientie lineam ita exquires. Duas lineas. a. b. et. a. e. coniunge ita vt vnā transversam. e. a. b. facere videantur, postea in punctum. a. perpendicularem immittes, Et pedem vnum circū figes in mediam lineam. e. a. b. et altero pede ex puncto. e. semicirculum de. e. ibes. Et huius circumferentiam vbi cernes transcurrere perpendicularem impositam in punctum a. ibidem ascribito notam. f. Eritqz hæc ipsa linea longitudo prominentie compressi cubi, cuius altitudo proposita fuit linea. a. e. Quorum omnium figuræ singulatim, necnon delineationes omnium partium capitis in suo quoqz cubo expressæ subiectæ sunt.

Sciendum in aduersa facie capitis effingenda, detrahendam latitudinis suæ vnā. 5. pro eo ac commensuratio exigit. Vel licet sane sic facias. Propone latitudinem cubi prominentis ac compressi octies, Et diuide per decem æqualia spacia, Eritqz horum decem spaciōrum vnum latitudo aduersæ faciei, ad quod contrahetur quadratura cubi, vnde oblongus et prominens factus fuit. Atqz ita formæ lineas ad miniculo Deligentis distribues. Quam rationem sequeris per variationes in toto corpore.





Cubus principalis.





Linea prolixitatis. a. c.

Linea decurtationis. a. c.



Cubus prominens, id est, compressus.










Sunt et alij cubi variationes, de quibus diuersitas in faciebus capitum existit huiusmodi. Primum si superiorem cubi superficiem quadratam constituas et dilatatam, Infra autem tantum detrahas de quadrata superficie, quanto superior fuerit dilatatio. Idque etiam ipsum postea inuertere poteris, Ut quanto fuerit infra cubus amplior, hoc sit supra angustior. Quibus constitutis postea linee partium inducentur auxilio Deligentis, et deinceps congruentia formæ. Ita erit una facies capitis supra amplioris, infra angustioris. Altera autem supra angustioris amplioris infra. Cuius et ipsius rationis usus per totum corpus fuerit. Quemadmodum autem diximus bifariam superficiem cubi supra et infra variatam efficere diuersas facies, Ita hinc et illinc, id est, dextri ac sinistri lateris mutata superficies, diuersas facies reddit. Nam si prior, id est, quæ ad dextram est superficies dilatetur, posterior, id est, quæ ad sinistram contrahatur, Itemque contra, si hæc contrahatur, dilatetur illa, Et partium


lineæ, itemq; forme Deligentis adminiculo congruenter inscribantur. Erit prioris modi facies, ante quidem seu a fronte amplior, post vero seu a tergo angustior, posterioris autem modi facies, ante quidem angustior post autem amplior. Quæ omnia in subiectis exemplis cernere licet. Sed de hac ratione poteris vel superne deminuere, vel inferne quasi recidere quadraturâ cubi, sicut et nos hoc ipsum in exemplis effinximus.

Est et alia ratio si rhombum cubicum facias duobus angulis oppositis acutis, et alteris duobus oppositis obtusis. Hæc bifariam usurpari poterit. Primum ut anguli acuti ad frontem et ceruicem collocentur, caput posteriore parte sui ac mentum obtusis accipientibus. Secundo si hoc inuertatur. Quorum omnium exempla habes subiecta. Sed prior facies acutam frontem, altera caput posteriore parte sui acutum exhibet. Atq; hæc facies a principali proorsus discrepant. Quicquid autem in cubo descriptum fuerit id vniuersum, variato illo, mutatur, siquidem distributio partium conueniens per Deligentem seu Variantem seruata fuerit.






A tergo.





A fronte.



A fronte.

A tergo.






A fronte.

A tergo.

A tergo.


A fronte.






Variationes capitum supra posite ex ipsius omnes cubi variatione ductæ sunt. In de principali facie mutata, omnibus partibus Deligentis ministerio conuenienter expressis. In sequentibus autē alias quoq; variationes demonstrabimus in ipsius principalis capitis cubo. Qui quidem remaneat idem et æqualis, sed partium positura diuersa, motis loco suo lineis transuersis ac obliquis, quibus illarum altitudines designari notum est. Quod ipsum tamen et in variato cubo fieri possit. Hæc via latissime patet ad innumerabiles differentias exprimendas. Sed vt ad rem veniamus. Proponatur principalis capitis facies. Inq; illo notentur primum præcipuarum partiū altitudinis transuersæ lineæ, quæ sunt numero tres. Vna. f. quæ est summi frontis. Altera. l. quæ transcurrit supercilia et supra radit aures. Sed tertia. m. nasum definit. Hæc igitur lineæ cum loco suo mouentur sursum deorsumue intervalloz discrimina existunt, suntq; spacia altiora aut humiliora. Quicquid autem hac motione linearum vni spacio decesserit, id ipsum accedere alteri necesse est. Isto modo attollere vel comprimere singulas partes in facie quisq; poterit. Quod autem dictum est de motione trium nominatarū, Idem et de alijs. s. r. q. p. o. intelligendum, siue ordine illarū conseruato, id est, vt παρὰ ἄλλοις maneat. Siue illis obliquatis, quo fit vt hinc ampliora, illinc angustiora spacia efficiantur. Secundum hanc rationem poterunt variari omnia, quæ de nominibus prolixitatis, breuitatis, distensionis, contractionis, crassitudinis, gracilitatis, diuersa intelliguntur. Singulæ autem transuersæ lineæ trifariam loco suo moueri solent, Sursum, deorsum, oblique. Licet etiam simul vniuersas sursum deorsumue, aut dimidium harum sursum, dimidium item deorsum, fermeq; in omnes partes pro arbitrio, et transuersas et perpendiculares moueas. Sed si quid mutaris, quod conueniens cum principali, id est, eo vnde mutatum fuit, esse volueris id Deligentis adminiculo componere debebis. Dicit non potest quæ occurrant, quanq; admirabilia ijs occurrant qui in hæc rerum exquisitio cum studio et industria versentur. Pro eo autem ac faciem exprimendam proposueris, describes lineas rectas de quibus forma apta et respondens voluntati tuæ designetur. Diximus autem antea quoq; pro motione transuersarum intervalla inæqualia existere. Vnde si propinquas illas feceris, in quibus hoc partibus acciderit eæ breuissimæ fient. Si distantiores, hæc fient partes longiusculæ. Quæ ad vtrūvis modum effictæ iuxta perpendiculares in obliqua facie crassitudinis et gracilitatis discrimina afferunt.





Sed qui hæc in manus tractanda suscepit, is etiam cogitabit quid quantumq; sibi mutationis, rerum natura permittat. Horum ipsorum quæ dicta sunt tale esto exemplum. Proponatur principale caput, quod libro primo, primo loco descripsimus. Huius perpendiculares lineæ omnes relinquantur immotæ, Sed cum transversis sic ages, ut tres lineas. f. l. m. distribuas intra. J. n. In quatuor æqualia spacia, quibus præcipue partes includantur. Postea beneficio Deligentis, repones convenienter reliquas lineas, nempe. o. l. p. q. r. s. Hæc forma mihi propter æqualitatem elegans est visa, Eamq; obliqui, aduersiq; capitis subiecimus expressam.



Sed observandum faciem in capite alicubi longiusculā, alicubi vero breuiusculā esse. Quare scies si facies oris valde proluxa sit, capitis testam effici compressiorem. Ponatur igitur in exemplo tanta altitudo in facie oris, ut linea. f. imponatur in lineam J. utq; postea Deligentis adminiculo reliquæ Lineæ intra. f. n. nempe. o. l. p. q. m. r. s. convenienter distribuantur. Videbis igitur per hanc elationem, radicis capillorum designationem excludi. Contra si faciem oris malueris breuiusculam, videbis testam altiore, et exire acutulam. Sit igitur in iuxta posito differentie exemplo. Ea breuietas in facie oris ut linea. f. stet infra. J. una parte. 3. totius altitudinis. J. n. Utq; reliquæ lineæ. o. l. p. q. m. r. s. adminiculo Deligentis distribuantur, cernesq; effici quod in subiecto exemplo apparet.




Est et talis capitum variatio. Ut quadrilaterum cubi, principalis ante, id est, ad dextram contrahatur, post, id est, ad læuam distendatur, idq; *ἀναλόγως* ut quantum vni loco decesserit tantum accedat alteri. Similis ratio est contrarii modi. Si ante distendas, post vero contrahas. Atq; in his ad hunc modum variatis quadrilateris, omnes partes conueniēter, ut fieri debet, distributæ, tales facies repræsentabūt, quales in depressis, ut loquimur, fundamentis binis subtecimus.




Hoc loco etiam sciendum omnes transuersas lineas, quadam certa quam paulo post explicabimus, ratione, posse dimoueri. Ita ut spacia supra fiant longiuscula, Quod ipsum et inuertere liceat, et in vtralibet dimidia parte faciei, et in quibusuis transuersis lineis usurpare. Sunt autem maxime euidentes contrariæ. Ut si nunc deorsum trahas, quam prius sursum moueris vel transuersam vel perpendiculari rem lineam. Nunc igitur deinceps describam aliquot capitum facies ostensurus exemplis quo modo de præceptis nostris opus eleganter effingi possit. Quo ipso confido me studia cupiditatemq; multorum excitaturum ad alia et maiora et meliora inuenienda, q̃ nos demonstraauerimus. Sed ad rem. Primum sit hoc propositum mutare vniuersas lineas ita ut nulla in parte cōgruentia remaneat. Seu frontem longam

vel breuem, Secum nasum longum vel breuem, Siue mentum similiter longum vel breue esse velimus. Si igitur lineam transversam. l. multum sursum moueris versus lineam. f. Designabitur frontis spatium breue nasi autem longiusculum, intra l. m. contra si lineam. l. deorsum moueris versus lineam. m. includet spatium. f. l. frontem longum. Sed. l. m. nasum breuiusculum. Si relinquatur linea. l. et moueatur sursum linea. m. Nasus quidem erit breuior in spacio. l. m. sed bucca et mentum longum. Sin linea. m. deorsum moueatur, Nasus erit longior in spacio. l. m. bucca vero et mentum astrictius. Jam fac ut distent longius inter se lineæ duæ. f. m. Ita ut. f. prope. J. statuatur. m. vero prope. n. Tum erit caput summum et mentum ac bucca breuior, admodum autem frons et nasus longus. Fac contra ut. f. m. transversæ minus longe distent inter se, et cernes caput summum et mentum cum bucca longiusculum euadere, sed breuem frontem ac nasum. Rursus moueantur sursum. f. l. et erit caput summum cum fronte breuius. Postea reliquis intra. l. n. lineis Deligentis ope distributis erit nasus longus. Itemq; longum mentum cum bucca. Inuerte hoc ipsum et habebis excelsum in summo caput, frontemq; longiorem, Sed nasum breuiorem sicut et buccam cum mento. Rursus esto elatior. f. ad. J. linea autem. m. demissior ad. l. quæ sit immota. His designabitur pressum supra caput, frons longa, labra mentumq; maiuscula. Inuertatur hoc ipsum, ut sit demissior linea. f. l. et linea. m. ad n. Designabiturq; supra caput arduum, frons brevis, nasus longior, bucca et mentum breuiusculum. Possem in harum rerum expositione per q̃ esse copiosius, sed visum est breuitati studere. Hoc obseruabis, qui hæc usurpare voles, diligenter, Vt ita dimoueas ad moueasq; lineas inter se, ne rerum naturæ effingenda vis afferatur, utq; facies institutæ hominum humanum retineant modum. Sed quæ diximus de lineis tribus. f. l. m. eadem intelligi debent et de reliquis. o. p. q. r. s. Quin etiam perfectis his ad eū variationis modū qui cuiq; placuit, Sic tamen ut oēs lineæ παρὰ δὲ κλοι res manerent, licet in super aliquis variet propositas facies obliquandis iisdem lineis, ut vel a fronte vel a tergo declinent, seu vniuersæ siue aliquot harum. Præterea licet etiā mutetur positus lineæ obliquæ quæ in principali capite vna descripta fuit a radice capillorum ad extremum nasum. Licet etiam mutilentur transversæ particulis sursum deorsumue, et perpendiculares iisdē prosum aut retrosum motis. Quod ipsum et in obliquis fieri possit. Sed et post has omnes pro cuiusq; arbitrio institutas mutationes liceat et spacia intra particulas transversarum, vbi mutilationes factæ fuerint mouere sursum, deorsum, prosum, retrosum. Hæc autem perspicue satis dicimus q̃ possunt, quare ad exempla et opus cuiq; est accedendum.

Quia autem dixi lineas mutilari, ut intelligatur quid senserim, Sit exempli causa proposita linea. a. b. in qua ubicunq; lubitum fuerit notetur punctum. c. Vbi quasi fractæ lineæ frustula dimoueantur vnum sursum, alterum deorsum. Ita erunt duæ particulæ mutilationis in quas longitudo proposita quasi fracta fuit. Item scribantur in proposita linea duo puncta. c. d. et rescindatur q̃tum his duobus punctis longitudinis occupatum fuit, eaq; quasi defracta particula sursum deorsumue moueatur. Exemplum subiicimus de transversis, Sed eadem sunt de perpendiculis et obliquis etiam intelligenda, quarum similiter particulæ prosum aut retrosum moueantur, Duo exemplo perspecto poteris et supra descriptas facies aspicere effectas secundum descriptionem et sententiam nostram.




Hæc facies habet eanummodo
sursum elatum lineam. l.




i
f
l
m
n

Hæc contra eandem so-
lam demissam.




i
f
l
m
n

In hac facie sursum mota est
sola linea. m.




i
f
l
m
n

In hac eadem linea. m. sola
deorsum mota est.




i
f
l
m
n

In hac facie linea. f. elatior. m.
vero demissior est.




i
f
l
m
n

Contra in hac. m. elatior,
f. vero demissior.




i
f
l
m
n

Hæc facies habet duas lineas
f.l. valde elatas, sed.m.in me-
dio.l. n. ponitur.




i
f
l
m
n

Hæc vero admodum demis-
sam habet.l.et. m. sed.f. stat in
medio. J.l.




i
f
l
m
n

In hac facie est.f.et.m.sur-
sum mota.




i
f
l
m
n

In hac contra.f.et.m.mota
deorsum.




i
f
l
m
n

Sunt præter dictas motiones harum trium linearum.f.l.m. et hæc duce prior, ut
summum spacium intra. J.f. sit altissimum, proximum autem intra.f.l.minus
altum, minus etiam sequens intra.l.m.minime vero intra.m.n. In alte-
ra hæc inuertuntur sed conuenienter, ut subiectis exemplis declaratur.




i
f
l
m
n




i
f
l
m
n

Maxime autem existunt varietates si lineæ rectæ παράλληλοι cum transversæ cum perpendiculares mutulentur obliquentur. Quare ubi usus poscet hæc quæ diximus mutilata et obliqua diligenter considerabuntur, quæ ut intelligi melius possint. Exponemus sententiam nostram exemplo obliquationis. Nam transversæ sin- gulæ hinc vel illinc attolli demittiue poterunt, et perpendiculares supra vel infra pro- moveri retrahiue. Sed nondum rectæ tamen esse illæ desierunt, Quare poscente re- tum insuper et curuabuntur in sursum deorsumue, prorsum aut retrosum flexos ar- cus. Nec non et in alternantes illas et quasi reptiles curuaturas, mutilatione ne ipsa quidem præterita. Demonstramus hæc in frontis et supercilliorum linea. Nam et illa hinc vel illinc attolli demittiue poterit. Et hæc quanta est intra perpendiculares de- fringiet sursum deorsumue moveri, Etiam ipsa in medio mutilari, atq; ita sursum deorsumue flecti in ipsius mutilationis loco, prore enim nata oculum torquere in effi- ctione sursum deorsumue licet. Sed et angulorum linea quæta fuerit defringi, et hinc attolli illinc demitti solet, ut obliqua fiat, Sicut videmus in horariolis, quæ compas- sa vocant, lingulam a linea meridiana oblique discedere, atq; hac ratione anguli in- teriores exterioresue profundi magis minusue efficiuntur. Frangatur nasi linea, ita narium eminentiæ attollentur demittenturue, quod ipsum debet et de bucca intelligi, et maxillis posteriore parte sui sursum deorsumue motis. Est etiam admodum diuer- sum in facieb. obliquis, collum propius ad mouere ad mentum, aut longiuscule retro abductum obliquare, Quarum illæ quasi humiles terram spectare, hæc sublime et res- etiam intueri videntur. Superest aurium locus qui et ipse similiter moveri poterit, sur- sum, deorsum, prorsum, retrosum. Itemq; obliquari in utramq; partem pro cuius- uis arbitrio. Hunc etiam ipsum locum ampliuscule, angustiores, breuiorem, lon- giores, distensiores, contractiones, facere licebit. Est enim in humanis facieb. cer- nere alicubi aures quasi complanatas ad tempora alicubi erectas et eminentes, Ex his arbitror facile studiosos lectores perspecturos sententiam nostram de mutationibus rerum propositarum, Nam cum viderint quibus rationibus recta et perpendicularia curuari obliquariue ac inæqualia fieri possint, sine labore magno inuenient, et altitu- dinum decurtationes. Et crassa quomodo gracilia faciant, et recta inflectant. In mu- tatas autem lineas sicut ostendimus, quis non intelligit, si forma deinceps describa- tur, quanta diuersitas futura sit inter hanc et illam unde hæc fuerit mutata? Inter hæc faciat quisq; ut diligenter meminerit discriminum supra et initio memoratorum, ex quibus animaduertet triplicem maxime diuersitatem aspectuum in obliqua facie. Vnā rectā. Alterā procuruā et orbiculatā seu fornicatā, ut sint omnia tanq; in lepustan- li ore quasi proiecta. Tertiā incuruā, id est, lacunatā siue repandā. Sed hæc procura- uationes et incuruationes nō modo curuis, sed etiā rectis lineis designari poterunt, nec integris modo verum etiam mutilatis. Quæ tota ratio versatur in additione et detra- ctione. Et hæc triplicis modi diuersitas, ut dictum est, ad infinitas mutationes fa- ciet. Jam ipsas has facies aut argutius et acutiuscule, aut contra spissius et planius- scule effingi poterunt. Hæc autem discrimina triplicis modi subiectis exemplis propo- suimus.


Recta facies.



Orbicularis seu fornicata.




Lacunata siue repanda.




Sunt præterea duæ differentie obliquæ faciei quæ sic quasi in Rhombi figura designantur ut relinquatur transversa utraq; supra et infra *παράλληλος*, se duo recta latera obliquantur *παράλληλος* tamen et ipsa. Ita ut in comparatione laterum obli- quorum lineæ supra concurrant infra discedant. Ita erit in priore a fronte angulus supra acutus infra obtusus, cui a tergo respondeat supra obtusus, ut infra acuto acutus. In altera erunt hæc inuersa. Quo facto debebunt de transversis omnes partes distribui Sed tamen non quadrabunt ad perpendicularum demissæ per transversas lineæ. Verum obliquæ omnes existent. In prioreq; facie proniusculam formam in altera supinulam lineamentis inductis expriment, Sicut in subiectis exemplis apparet.

Facies prona.









Facies resupinata.





In his sic quemadmodum ostendimus mutatis faciebus, non secus atq; de per-
rioribus tradidimus. Transuersæ omnes et per eas perpendiculariter aut oblique du-
ctæ lineæ rectæ poterunt moueri locis suis. Sed et de motionibus earum linearum,
quæ per transuersas perpendiculariter obliqueue ductæ, partium in latum et dens-
sum spacia demonstrant, nunc quoq; deinceps explicandum restat. Nam cum in
proposito quadrilatero faciei aduersæ latus prius erectum. a. posterius. b. literæ nota
insignitum. Interq; hæc distributio partium per lineas sex harum literarum notis
c. d. e. f. g. h. in septem æqualia spacia collata fuerit, pro vniuscuiusq; arbitrio poterūt
et hæc lineæ protrudi aut retrudi vel omnes vel aliquot, poterunt et ipsis inclusa singis
latum spacia prius moueri retrosumue. Atq; ita existent variationes latitudinum
et densitatum, vt facies crassior, gracilior, distensior, contractiorue appareat, quem-
admodum de transuersis longiores et breuiorē partes fiebant. Itaq; similiter et hac
in rationem incidit addendi et demendi modus. Sed sciendum, quicquid de rectis et
perpendicularibus præcipitur idem et de curuis et obliquis lineis accipi debere. Atq;
hæc requirunt attentionem non mediocrem. Velut, hinc enim ordiemur, de frontis
circumductione et procursu quicquid demitur, nasci prominentiæ adijciendum. Ea-
dem erit et inuersionis ratio. Sed hæc designari licebat per lineas curuas et arcuum
huc et illuc cornibus versis, itemq; per rectas mutilatas. Atq; ita omnibus partibus
facere poteris in facie obliqua. Vnde apparet in mutatione figuræ contraria semper
concurrere. Vt cum vnam partem protruseris aliquam, alteram propinquam supra
aut infra retrudi necesse sit. Deq; hoc efficiuntur discrimina partium ad crassitiem
distensionemue, gracilitatē vel contractionē. Jam vero variatis partibus in facie, vt
in toto, per transuersas lineas ductis perpendicularibus aut obliquis, Nō ignorandū
vsum esse in singulis partibus etiā minutissimis nō secus ac in tota facie horū discrimi-
nū qua de tota facie supra exposuimus. Rectā illā esse aut orbiculatā aut lacunatā
Vt exempli causa si frontē rectā, id est, planā orbiculatāue aut lacunatā esse velis.
Aut nasum, labra, buccam, mentum, similiterq; omnes partes alias. Sciendum
etiam lineam qua capitis obliqui rotunditas designetur vario modo duci posse. Appa-
ret enim in hominum figuris vnius caput planiusculum, alterius acutius, alicuius
etiam quasi scruposum. Atq; omnino in tanto naturæ studio diuersa faciēdi omnia,
infiniti sunt varietatis etiam istius modi. Dicamus deinceps de obliqua linea, quam
nasci designandi causa duci ostendimus. Ea poterit supra reclinari ad lineam per-
pendicularem. d. Vt ^{διαγωνίως} inde sit ad transuersam. m. Poterit et erectiuscula du-
ci ex medio. a. c. poterit et proclinari supra ad perpendicularē. a. In huiusmodi con-
uenientiam maxime probo, quæ venustatē complectitur, cum quasi aliena et præru-
pta omnia, inusitata et admirabilia videantur. Ita licet, exempli gratia, Dicamus
non esse venustam faciem cum elato aut presso vertice, quarum illa caput habet acus-
tus hæc planiusculum. Relinquitur igitur in medio conueniens rotunditatis caput,
quale venustum esse omnes sentiunt. Quod vt dixi, exempli gratia nostræ doctrinæ
a nobis est positum, non probationis, media omnia esse optima. Sed, vt nunc, hoc rez
ete dicitur. Vt autem in tota facie est inuenustum prolixam illam esse nimis aut mis-
nis curtā, Ita de partibus multa est deformitatis discrimina colligere. Veluti fron-
tem esse longiorem, breuiorē, sinuosam, aut quasi scopulosam. Jam nasomibus istis
videmus esse longos, nodosos, pendulos nasos.

Contra alij nasus sunt breuibus, intortis, simis, crispis, glomeratis, supraq; depressis alij, alij extantibus. At oculi alijs paruuli et quasi delitescentes, alijs sunt magni et exerti. Aliqui semi apertis quasi fultum obtinentur, coniuuentque magis superiore q̃ inferiore palpebra. Aliqui latissime penitus patentibus oculis aspiciunt. Sunt et quibusdam alta, quibusdam quasi incumbencia palpebris, non etiam nullis propendula supercilia, quæ et ipsa tenuia alijs, alijs densa insunt. Sed labronibus crassa, carnosæ, grandia, glomerata labra sunt. In alijs arguta et gracilia. Aliquibus superius labrum elatius est inferiore, aliquibus contra hoc illo, crassius est etiam sæpe vnum altero. Sæpe intra nasum et labrum altiusculum spacium, alicubi hic in labrum insidere videntur. Præterea est vbi mentum obtusum magnumq; sit, Est contra vbi acutum et paruum. Est et alicubi mentum a collo longius distans, Est et quasi ad collum attritum, alicubi prolixum alicubi curtum, Quæ suis lineis transuersis, vt indicatum est, designantur. Sunt etiam nonnullæ facies ad scalarum modum inæquales, idq; bifariam, Nam aut supra prominent maxime, Infraq; magis ac magis retrahuntur, Aut inferne prominentes gradatim sursum scandendo recedunt. Hæc mutilatis lineis designantur. De quibus quamuis multa tradi possent, quo pacto etiam in minimis partibus usurpari possint, Sed hæc tamen ipsa studiose experiundo facile inuenient.

Hoc loco sciendum permitti vnicuiq; plures facere numero q̃ nos fecerimus, aut etiam pauciores lineas transuersas perpendiculares et obliquas. Siue maioris certitudinis seu vitandi laboris causa. Permittitur etiam rectas lineas, si res poscere videatur, vnicuiq; curuare pro arbitrio suo, Quæ omnia quo melius et rectius qua de sententia animi mei præscripta sint, intelligi possit, subijcere placuit varia exempla figurarum de quibus memorauimus. Harum diuersitates designatas apparet mutatis perpendiculis transuersis, obliquis, mutilis lineis nonnullis et curuis, ad quas postmodo congruentia formæ expressa fuerit. Hæc multum proderint ijs qui absq; exemplo scripturam nostram non facile potuissent intelligere. Sed variationis huius infinita est ratio. Nam et vnus forma transferri in alteram, et miseri omnium a prima ad ultimam poterunt, omninoq; difficile dictum est quid his in rebus licentiae concedatur operi, quod quidem ipsum debet in frequentibus mutationibus versari, Si cuti et nos in exemplis omnes perpendiculares et transuersas temere dimouimus, Itemq; easdē obliquauimus plane vt libido tulit audacissime. Tum deinde formam expressimus congruam vnde quid exierit licet intueri. Sed non obliuiscendum, si quid oblique faciei de densitate detrahatur, id adijci latitudini aduersæ. Et contra, si si quid adijciatur, huic detrahi oportere. Non autem ignorandum has varietates magis seruire discriminibus q̃ venustati formæ, Quas plurimas designare usus causa admodum profuerit. Neq; adeo venusta forma per se, et absq; comparatione ad inuenustam cognosci queat. Qui igitur sciet quid deceat, idem et quid deforme sit sciat necesse est.







bh g f ed e a

1 2 3 4

i
f
o
l
p
q
m
r
f
n



t



Restat ut de aduersarum facierum mutatione, deq; illarum varietatibus dica-
mus, Sed quia de omnibus obliquis faciebus in aduersas, traducendi transuersas
lineas vna ratio est, beneficij nimirum transferentis, Ideo de varietatibus transuers
farum nunc quidem verba facere superuacaneum fuerit. Tantum hoc monebo trans
uersas et in aduersa facie obliquari posse, vel omnes vel aliquot. Nam ita facies distor
quentur similiter ut cum totius cubi vnum latus demittitur alterum attollitur. Per
gamus igitur ad tractationem perpendicularium, quæ cum intra latera. a. b. his nos
tentur literis de doctrina nostra. J. g. c. d. e. f. h. k. Et præcipuas in facie partes desi
gnent, ut frontem, oculos, nasum, aures, buccam, mentum, Sciendum harum sin
gulas aut aliquot simul, aut etiam vniuersas moueri locis suis posse, Ita quo longi
us inter se distabunt, eo erit partium latitudo maior, quo aberunt propius, eo erit illa
minor. Sed et sic describuntur supra vti quasi concurrant, infra discedere a se videan
tur, aut contra.

Describuntur et flexæ, Tum desinunt perpendiculariter cadere, sed aut obliquæ aut curvæ fiunt. De hac ratione in forma expressa cernes frontem distendi aut contrahi, oculorum inter angulos vastula aut angusta spaciola, interq; eosdem maiuscula aut minuscula intervalla. Poterunt et inæqualiter magnitudine et loco designari oculi, palpebræ, supercilia, Cernes et nasum hic distendi illic contrahi, supra inq; vel infra Eundem et rectum et incurvum, glomeratulum aut acutulum, teretem aut nodosulum, qua parte nares subsunt angustiore naribus ipsis amplis. Vel contra supra nares distensorem, naribus ipsis contractis. Idem licet dicamus de distensione aut contractione buccæ, menti, maxillarum. Idem et de singulis partibus quæ supra contrahantur, infra distendantur aut contra. Hac via inæqualis distributionis efficiuntur gibbosæ aut distortæ et alienæ multis modis facies, Veluti aut angusto aut sparsa ore. Curvis, crassis, parvis, magnis labris, aut etiam inæqualibus. Maxillis distentis, contractis, acutis, obtusis, apparente iunctura aut minus. Hæc omnia et huiusmodi diuersitates studiosus et experiens lector debet enucleare, Vnde multa admirabilia poterit eruere, quæ sub his latent. Hoc vero certo nihil est certius, Intelligentes deformitatis et turpitudinis facile perspicere, quid sibi in opere ad venustatem instituto vitandum sit. Quo quis autem longius a prauitate recesserit, hoc propius ad pulchritudinem accedat necesse est. Cui hæc erunt manifesta, Is quid a quo et qua ratione differat facile et plane intelliget, Idq; non solum in picuris, sed illis etiam operibus quæ celo et scalpello elaborantur accidere necesse est. Quæ qui tentarit hac ratione ignorata, quamuis aliquid concordans et æquale expresserit, tamen id fortuito non ex arte effectum constat.


Sed ad propositum reuertamur, Aliter apparet facies imposita collo proceræ et gracili, aliter breui et crasso, Præterea animaduertenda lineamenta oris, quæ alicubi sunt grandia et plena oculis, naso, mento, alicubi tenuia et pressula. Facies etiam aliter apparent, Si capillatum sit aut rasum caput, capillo crispo aut recto, denso aut tenui, promisso, tonso, cincto, laxo, humido, sicco, Si barbatum sit os aut imberbe. Neq; barba eadem quæ de capillo diximus intelligenda, Horum nonnihil exemplis subiectis declarauimus, Cæterum virilis et muliebris capitis mutandi ratio eadem est, Tantum custodiri debet, vt sui sexus naturam utrumq; referat. Talibus etiam mutationibus percurri totum corpus poterit, et illius omnes partes perquiri. Sed quod monui, videndū ne virilis ac muliebris sexus confundatur, Neq; etiam ita mutabitur effigies viri, vt quasi virilitas ipsa effeminetur, neq; muliebris, vt ex illo genere imago in virile transeat, absq; enim etiam hoc latissima est mutationum via.

Cum autem omnes animantes in suo genere similes inter se reperiantur, Sexus tamen discrimen fere euidentius est, vt in hominum genere et bestiarum. Præterea danda opera, vt hæc etiam sexus discrimina in imaginibus hominum humanum modum retineant, Sicut et omnes bestias naturæ suæ quendam modum retinere videmus. Nunq; enim Leo ita dissimilis est aliorum leonum, vt asinum referat, Neq; vulpecula, vt lupo esse videatur, Quare ubiq; generis et naturæ proprietas conseruanda.

Quid autem dicunt? qui sic loquuntur, ut inquam leonnam aliquem tueri aut
 ursinum, Lupum esse vel vulpeculam, vel canem, Cum non certe quadripedem esse
 sentiant, Neq; etiam simili corpore, aut membris similibus esse aiunt, Sed ita no-
 tant animorum quandam similitudinem, Dum significant sic se illos gerere ut cer-
 torum animalium naturas ingenijs suis referant, Quod ipsum ad membrorum stas-
 tum minime pertinet, neq; permisceri hæc debent. Non autem negari potest quin ho-
 minum maxima sit inter ipsos dissimilitudo, Sed tamen ita ut generis similitudo
 sibi constet, Idipsum in canum etiam genere apparet, Alij enim grandes, alij parvi
 sunt, et sexcentis discriminibus inter se differentes, glabri, pilosi, diversorū colorum,
 Sed non ita tamen dissimiles inter se sunt, generis ut similitudinem amittant, vtiue
 vulpes aut lupi esse videantur. Ex his patet mutationes et varietates rerum non
 statim etiam naturas illarum euertere neq; confundere, itaq; facile est canis figu-
 ram a feræ bestię figura internoscere, De qua differentia, ne iusto sim verbo-
 sior disputandi finem faciam. Sed redeo ad illa quæ initio monui, unde q; hæc
 sunt nata vitandam confusionem sexus, et in muliere virilitatem formæ, in viro mu-
 liebritatem.


aig c d e f hfb

aigc d e fhfb




aigc d e fhfb


i
e
o
l
p
q
m
r
f
n



aig c d e f hfb



i
e
o
l
p
q
m
r
f
n



Nunc deinceps monstrabo aliam viam ad mensuram nouam propositæ imagi-
nis. Si quis facere crassiozem graciliozemue, distensiozem vel contractiozem volue-
rit. Hæc duabus lineis continetur, quibus mutatio efficitur, quomodo supra de lon-
gitudine et breuitate ostendimus, sed aliter, hocq; modo. Si propositæ imaginis alti-
tudinem habueris, vt illam quæ est eius vnde nouā effingere voles facturus per trans-
uersas crassiozem aut graciliozem, distensiozem contractiozemue. Jam nota igitur est
altitudinis habitæ linea. Aliam igitur constitues ad mensuram densitatis et latitu-
dinis. Si quidem imaginem volueris exire ampliozem, erit ea linea longior, breuior
autem si angustiozem, quam diuides in suas præcipuas partes beneficio Varianti-
tis, atq; ita mensurationes accommodabis ad mutationes imaginis propositæ. Ita
conuenienter eribunt de linea longiore omnia crassiuscula et distensioza, de breuiore
gracilia et contracta magis. Harum linearum diuin figuram inferius expressimus.
Indidimusq; nomen Geminis, propter modum vsusq; duplicis lineæ ad vnā
mensurationem. Hæc descriptio ita se habet. Primum Lineam statues rectam ad
perpendicularum altitudinis notæ, quæ sit. a. b. hæc debet omnium partium suarum
distinctione esse insignis. Tum infra transversam ad normam adiunges, eaq; erit
breuior aut longior pro arbitrio tuo, sintq; huius notæ. b. c. Ita habebis trilaterum re-
ctangulum designatum. a. b. c. Hac transversa, beneficio Variantis, aut sane diui-
dens cuius ratio in primo libro explicata est, de nouo distincta conuenienter secundū
altitudinis lineam, figura iam erit Geminorum perfecta, qua poteris ad mensurati-
onem omnium partium densitatis et latitudinis vti.

Geminorum etiam vsus ad mensurationem altitudinis pertinebit. Nam linea
erecta. a. b. si prolixior facta et beneficio Variantis de nouo distincta per altitudinem
suam fuerit, Jam habebitur mensura longioris imaginis sed graciliozis. Vera igitur
cunq; harum diuin linearum fuerit mutata, in mensuratione propositæ imagi-
nis diuersitatem afferet. Si igitur voles suā propositæ imagini altitudinem constas-
re, sed graciliozem aut crassiozem modo fieri, Transuersa mutata pro voluntate tua
vtere. Sin densitatem et latitudinem retinere volueris, sed longiozem aut breuiorem
staturam facere, vteris altitudinis linea ad expositum modum mutata. Ita vides
vtrumq; latus Geminorum, rectum in qz et transversum, suas peculiare fortiri di-
uisiones, pro diuisionis modo exposito initio statim libri primi, hoc etiam loco caue ob-
liuiscaris harum particularum nimis et parum.

Hac in parte studiosum lectorem admonitum velim, vt animaduertat, sicut de
vsus crebritate facile apparebit, qz admirabiles mensurationes de duarum linearum
vnus breuitate, alterius longitudine perfici possint. Multoq; adeo si magis alterus
tra in metiendo punctim moueatur, multoq; maxime si vtraq;. Perspicuū hoc erit pe-
rito architecto quod dico, Et mirifice difficultates, vt videntur, hac ratione facillime
explicabuntur.







Figura Semineorum.



Ponatur autem a nobis exemplum huius rei. Sitq; proposita effigies illa in libro
 primo muliebris post primam virilem efficta. Hanc igitur Geminorum auxilio pri-
 mum densitate et latitudine contractionem, deinde extensionem facere propositum sit.
 Sed sciendum si his mutationibus figura humana nimium forte a vero alienata fue-
 rit suumq; modum amiserit, ut si quæ partes densitate ac latitudine auctæ nimium,
 aut eisdem minutæ sint. Tum correctione harum corruptam figuram instaurari de-
 bere, addendo minuendoue, quod quale sit de supradictis planum esse confido. Sic
 ergo principalem illam effigiem ad gracilitatem et crassitudinem perfectam correxi-
 mus, primum ut de capitis aliquantulum altitudine absunderemus. Non quidem su-
 pra deminuendo, sed inferne sursum contrahendo, ut fieret a summo capite ad imum
 usq; mentum altitudo duarum. 15. Inq; hanc altitudinem partes faciei æqualiter
 distribuimus. Scapulas a linea menti ad humeros apte protraximus. Sed pedem
 cuius quadrilaterum esset hac ratione abbreviatum, produximus ad unam. 12. et unā
 14. Femur etiā ac crus castigatiuscula accomodauimus. In exemplo crassioris ima-
 ginis reliquimus fere descriptionem principalis imaginis. Illud modo sub mento pa-
 leareculum maiusculū fecimus. Et scapulas sursum ab humeris ad collum abduxi-
 mus. Sed et nates infra suam lineam aliquantulum rotundauimus, ne succinctio-
 res iusto essent. Crura etiam obliqua nonnihil castigauimus. Similiter et aduersa
 iuxta talos. Pedis autem longitudo obtinet unam. 6. Cæterum de capite idem facere
 poteris, quod de virili modo factum a nobis ostendimus. Veriusq; autem modi gra-
 cilis inq; et crassi effigies subiecimus.








Summum
Caput
Vertex
Frons
Supercilia
Nasus
Mentum
Jugula
Supra mās
mās
Alæ
Papulæ
Infra mās
Cinctus
Umbilicus
Femur
Inna alius
Inna pubes
Extremæ
nates

supra genu
mediū genu
Infra genu


Inmū surce
exterius
Interius


Summus
monticulus
pedis
Summum
talæ exterio.
Planta




Neminē of-
fendat plu-
res nomina
ri transuers-
sas in exem-
plo hoc quā
in principali
propter illi-
proceritate
et si discreti-
poterant hec
dici.

Ponam etiam exemplum gracilitatis alterum. Sit principalis effigies virilis il-
la quarto loco exposita in libro primo, Ad huius altitudinem adiunctam transuers-
sam, facies parte vna. 6. q̄ illa sit breuiorem, Atq; ita partiē de nouo beneficio va-
riantis. Altitudinis quidem per transuersas distincte partes remanent, vt designa-
te sunt, Tantum alæ sursum nonnihil attrahentur, vt humerorum sit congruens
effictio, neq; nimia crassitudo. Pectoris etiam inferior linea omittetur et mamme in
alarum pristina describentur linea, vt superiuscule sint. Transuersas etiam supra pes-
dem nonnihil deprimēs, ne monticulus altior iusto existat. Atq; ita attribues ima-
gini de Geminis densitatem et latitudinem suam, eamq; gracilem et exilem effin-
ges. Quam si longam esse volueris capitum propriorum. 10. licet ita facias, Sed sic
vt frontis linea valde sursum moueatur, reliquis altitudinis huius æqualiter distribu-
tis. Hoc vero modo summoto capite, erit admodum proceri colli effigies, pedis autem
longitudo esto vnius. 7. Quæ quo facilius assequi quisq; posset, secundum nostram
doctrinam expressa subieciimus. In muliebri etiam effigie fiet de motione et omissio-
ne in transuersis similiter, vt de virili ostendimus.





In sequentibus alium etiam modum ostendam mutandi imaginem proposi-
 tam, qua illius altitudo, certa tamen ratione et via peruertatur, Eaꝛ mensurationū
 in singulis partibus pro cuiusqꝫ voluntate, supra aut infra altitudines extollūtur aut
 astringuntur. Remanentibus densitatis et latitudinis per transversas spacijs inua-
 riatis. Posset tamen imago quæ esset supra facta elatior, conuenienti etiam modo at-
 tenuari et contrahi, Sicut quæ ibidem esset facia astrictior, densari et distendi. Quod
 quidem quo pacto futurum sit primum exponemus. Ducatur linea transversa quæ
 sit. a. b. Infra hanc ponatur punctum. c. Quod si volueris supra partes valde dilata-
 re, facies esse. c. punctum propius lineam. a. b. Sin mediocriter voles dilatare facies
 longius abesse. Scies autem lineam. a. b. designare plantam imaginis. Tum aliam
 duces transversam παράλληλον, Ita longe remotam ab illa inferiore. a. b. quantæ
 volueris esse imaginem altitudinis, ea sit. f. g. Ex hac perpendiculariter demittetur in
 inferiorem lineam, in qua distinctio partium altitudinis constituatur, Ea sit. h. j. Post
 hæc transversam facies transire hanc perpendicularem, quæ erit media intra. f. g. et
 a. b. sitqꝫ hæc. k. l. Quibus factis ducentur lineæ transversæ partium, per omnia pun-
 cta distinctionis in perpendiculari. h. j. Deinde ex puncto. c. quod stet infra perpendi-
 cularem educes sursum duas lineas tam longe qꝫ videbis ferre ipsam rem. Has oportet
 sic se habere vt fixæ in puncto. c. supra discedant a se mutuo, mobiles enim esse des-
 bent. His mensura amplitudinis et angustię cōtinebit, hæꝫ notæ sunt. d. e. Propo-
 sita igitur parte quæ amplior angustiorue effingatur sic facies, Partis illius mutan-
 dæ lineam transversam densitatis aut latitudinis, ubicunqꝫ illa sita fuerit, fistes in
 mediam. k. l. Ita vt. h. j. mediam secet transversam illam mutandæ partis lineam.
 Postea utrinqꝫ mobiles illas lineas, quas diximus in puncto. c. fixas a se mutuo disce-
 dere oportere, Illarum igitur utrinqꝫ vnā applicabis ad extremum lineæ trans-
 versæ partis mutandæ, Ita iacentis, vt est dictum in linea. k. l. Cum ergo illæ mobi-
 les hanc transversam tetigerint utrinqꝫ designabunt dilatationem partis in illo loco
 qui erit propius huius transversæ cuius partem mutari volueris. Ita grandescunt
 et minuuntur omnes partes supra et infra lineam. k. l. Horum etiam inuersorum
 vsus esse poterit, tum scilicet et diuersa et contraria omnia existent, pro eo vt schema
 quoqꝫ huius descriptionis nostræ expressum subieciimus, cui nomen fecimus Indici.



Sed ut redeamus ad peruersionem imaginis præpositæ, ad quam et Indicis cuius figura et ratio exposita est, usus requiritur. Proponatur exempli causa Effigies virilis eidemq; adiuncta muliebris quinto loco expositæ in libro secundo. Harum ^{Querendū num verius sit sexto loco} vtriusq; linea altitudinis insigniatur punctis distinctionum suarum partium, huiusq; notæ sunt. a. b. postea producat ex puncto. b. normalis, cuius fini apponatur punctum. c. postremo obliqua linea. a. c. latera iungantur. Tum vero de omnibus punctis distinctionum lineæ principalis deduces lineas recta in punctum. c. ubi omnes hæc concurrere debent. Itaq; erit instrumentum perfectum ad peruersionem imaginum, supra infraue extollendarum aut astringendarum. Hoc placuit nomine peruertentis appellare. Nam per ipsum dependente linea mensurationes peruertere consuevere. Sed usus erit talis.

Sumatur alia linea altitudinis eaq; sit. d. e. Hæc constituatur inferius cum puncto suo. e. in transuersam. b. c. punctumq; e. remotum sit ab angulo. b. vna parte. s. altitudinis effigiei faciendæ, supra autem debeat puncto suo. d. incumbere obliquæ. a. c. Ita cernes hanc nouam lineam et ipsam de nouo conuenienter distingui, per transuersas ductas ex punctis distinctæ altitudinis in linea principali, sed cum peruersione, partibus supra elatis, infra astrictis. Proponatur hæc igitur de nouo distincta linea, et transuersæ per singula puncta distinctionis trahantur densitatis et latitudinis principalis, et effingatur forma, et apparebit hæc, de qua loquimur, mutatio. Hoc instrumentum peruertentis infra bifariam figurauimus, priore quidem loco secundū monstratam rationem, posteriore vero inuersum. Nam si quis mutationem instituere velit contrariam expositæ, Is debeat et instrumenti contrario priori positi vti, cætera autem omnia facere similiter ut ostensa sunt. Subiecimus et exempla mutatæ imaginis virilis ac muliebris, sed neq; supra neq; infra ampliora angustioraue fecimus, quod quomodo fieri solet, schema componentes Indicis docuimus, Et sequi vnicuiusq; voluntati permittitur. Peruertente autem si quis appositæ et cum singulari diligentia usus fuerit, In cuius scilicet ratione discriminum supra expositorum omnium significationes necessariæ ad occulta artis inueniunt, Is in admirabilibus reb' successum non poenitendum experietur. Sed in opere tam longe a vero additionibus et de tractionibus, ut in exemplis factū est, discedere nemo debeat. Nam et has licet aliquis ita demutatas effigies de nouo et ipsas mensoria perticula dimetiatur, et fere ut supra a nobis factum est describat, Corrigenda autem ubiq; deformitas quæ nimium abductis a veritate figuris extiterit. Hæc enim ad istum modum a nobis proposita non sunt quasi aliter fieri non debeant, sed magis docendi causa ut essent omnia tanto peius abhorrentia a vero, notabiliora. Omnino autem sentiendum totius huius doctrine usum necessitatis comodo, non deprauationibus applicandum. Cauebis igitur ne vnq; illam pendulam lineam nouitatis, siue ut priore loco descripsimus, seu etiam inuersam, nimis longe remoueas ab angulo. b. Ne talis peruersio monstra pariat, Quantam autem vtilitatem rationis huius necessarius usus asferre poterit, tantam immittet prauitate operi curiositas superuacanea, cum non curabitur Ne quid sine causa nimis. Sciendum autem tam solere usurpari hanc peruertentis rationem in partibus q; in toto. Cæterum de talibus mutationibus humane imaginis, perspicuntur et diuersitates nature Roboris, Imbecillitatis, celeritatis, tarditatis, alacritatis, pigritudinis. Quare q; non ignorari hæc, a studiosis huius artis debeant, cui dubium erit? maxime cum immensum quantum latius pateant atq; hoc loco explicatum fuerit.

Supra.

a

b

Si quis forte nouitatis causa usurpare virilem peruersam imaginem cum sua parere voluerit, Is debet superius elatis summum caput valde deprimere, et monticulum pedis altiusculum, Sed inferius productis, tibiā et monticulum breuiorem facere, Et tum beneficio Variantis omnia congrue dissipari. Nos tamen in exemplis omnia reliquimus ita vt de hac ratione experiant.

Schema
peruersi
tentis.

b

c

c

Infra.

Infra.

b e

Peruertentis Inuersio.


a


g


c 2


Supra.











Superius demonstratis peruertenti humanas imagines rationibus etiam nunc
 vnam adijciemus, qua propositæ imaginis altitudo varietur. Sed mutatio densita-
 tis ac latitudinis ducetur recte ex Deligente. Huius igitur peruersionis ubiq; esse vsus
 poterit, quæ est duplex. Vna habet circuli segmentum in cuius mensurationes con-
 uero. Altera in cuius cauo colliguntur. Qua vtraq; in via q̃ quisq; longe voluerit
 progredietur. Qui autem perspexerit hanc doctrinam facile vsus horum cognosceat.
 Hincq; etiam aperitur causa propter quam in conuero speculi regula erecta arcua-
 ta videatur. In medioq; sui latiuscula, contractior in extremis flexuris, circulo enim
 vt et aliæ res, obsequitur. Hæc intelligat qui conuenientibus picturis testudines et la-
 cunaria insignire voluerit, necesse est. Et si perspectiue hoc scientiæ nondum est, prope
 tamen accedit cum in speculo consideratur. Sed nos de mensurationibus per se ver-
 ba facimus. Peruersio enim ista quam exponere instituimus mensuram recti ad con-
 uerum aut concauum segmentum circuli complectitur. Cum vero quid de quoq; hac
 ratione efficiatur contuere, causa quoq; statim apparebit, inq; se opere ipso profes-
 ret. Hæc autem, quamuis mirifica in designatione et descriptione videantur, vsui
 accommodantur. Necessaria tamen est talium cognitio artificii, qui ex multiplici scien-
 tia deligat apta et conuenientia proposito ac voluntati suæ, licet hæc et præstantiora
 fortasse etiam imperiti derideant. Sed huius nunc deinceps peruersionis ratio explis-
 cetur, qua si quis scite vsus fuerit, multa de principali aliqua figura meliora facere po-
 terit. Dabitur ergo hac in parte quoq; diligens opera. Ne quid nimis. Quod autem
 nostra exempla secundum præscripti doctrinæ expressa, quod nimium esset non fuge-
 runt, Non solum propter cartæ paruitatem, sed etiam quo esset differentia mutatio-
 nis euidentior factum est. In magno igitur opere qui vsurpare volet, modum seruet.
 Sed ad rem.

Principio proponatur linea altitudinis imaginis principalis distincta punctis suis
 is hæc supra esto. x. infra. y. Seceturq; in medio puncto. c. Ex quo linea transuersa ad
 angulos æquales protrahatur cuius extremum notetur litera. z. Postea claudatur tri-
 angulum *ισοσκελές*. x. z. et. y. z. cuius acies sit. z. Mox protrahes lineas ex omnibus
 punctis lineæ rectæ. x. y. punctum. z. versus q̃ longe protrahis fuerit opus. Deinde
 constitues *παράλληλον* post lineam. x. y. versum punctum. c. quā quidem longa vsus
 indiguerit, nam multo erit q̃ prior illa, id est basis trianguli altior. Post hæc circuli
 pro ceriuseculi vnum pedem figito in punctū. z. et altero describe arcum, qui radat pun-
 ctum medium lineæ trianguli principalis altitudinis et lincetur ad *παράλληλον* quam
 post illam lineam. x. y. trahi longe iussimus. Ad quam ubi se cornua huius arcus ad-
 iunxerint, ibi superius. G. inferius. t. notam exponito. Qua autem idem arcus secas-
 bit et quasi præcidet lineas ductas ex punctis altitudinis principalis versus punctum
 z. Ex illis omnibus sectionis punctis duces lineas transuersas omnes *παράλληλους* per
 lineam. f. t. ita illa de nouo distinguitur ex linea principali sed diuerse. Nam et sit bre-
 uior, et habet circulum authorem distinctionis suæ. Ita omnia sursum deorsumq; a
 medio puncto magis decurantur. His peractis appones omnibus nouæ distinctio-
 nis punctis suas quasdam notas. Primum superius ita. Summi puncti transuersæ
 a. proximi. b. mox. c. atq; ita deinceps. d. e. f. g. h. vsq; ad punctum medium. Inde vero
 ad imam vsq; transuersam notis numerorum vtire. Ea igitur ima sit. i. et ab hac sur-
 sum. 2. 3. 4. 5. &c. Hæc erit igitur de nouo distincta altitudinis linea. a. j. Quam du-
 plicem propones vnam ad effigiem obliquam, alteram ad effigiem aduersam, sicut
 sæpe præcepimus fieri, Et ita per distinctionum omnium puncta suas transuersas



Indiserte
hoc est dicū


protrahes. Sed inuentis altitudinis partibus restat exquirenda latitudo et densitas, quam constitues de ligentis beneficio de illius mobili linea, cuius vtrinq; vsum accipies, vt conuenientia superiora ac inferiora designari possint, ad hunc modum. Primum producat^{ur} linea transuersa quæ finiatur notis. a. a. In hanc mediam demittes aliam perpendiculariter, hæc esto infra. b. supra. g. Tum deinde accommodabis vtrinq; mobilem lineam. a. c. Quibus ita vteris. Excipe ex præscripto peruertere medice lineæ quæ recta, vt dictum est, tendit in punctum. z. longitudinē quanta est illius mari. intra lineam rectam eductam contra punctum. z. et arcum. Hanc igitur longitudinem, vt dixi, maximam, constitues rectā super transuersam. a. a. in perpendiculari. b. g. et in summitate illius applica vtrinq; mobiles. a. c. vt cancellatim ibidem disparentur. Post hæc erimes omnes longitudines superioris partis linearum transuersarum intra arcum et rectam lineam, et notabis diligenter quibus quæq; literis inscripta fuerit. Easq; institues rectas in transuersam Deligentis. a. a. sic vt omnes supra παραλλήλως attingant impositam lineam. a. c. Ita fiet vt breues omnes tendant ad punctum Deligentis. a. quemadmodū in arcus linea proxime fuere puncto. G. Sed spacia intercedentia non manent eadem propter diuersitatem recti et curui. Vt autem præcepi in vnā partem Deligentis imponendas longitudines partium notarum literis quæ essent superiores, ita simili modo et inferiores in eiusdem alteram partem constitues quas notari iussi numeris. Tum deinceps vnāquāq; partium singularum principalis imaginis latitudinem impones rectam in mediam lineam quæ in Deligente erigitur notata literis. g. b. Sic vt infra insistat transuersæ. a. a. Tum lineā mobilem siue filum. a. c. ad moue ad hanc vt supra ipsam attingat. Ita fiet vt ordine omnes aliarum partium latitudines ad hanc consequentiam definiantur. Et quācūq; principalem latitudinem in hanc imposueris. Illius mensura in suo loco literis numerisue notato conueniens mutationi suce reperietur, definita per memoratam impositionem in transuersam. a. a. et accommodationē lineæ seu fili. a. c. Quæ ipsa q̄ potui euidentissime descripta subiecti. Et ad hanc rationem binas viriles itēq; muliebres imagines effiniri, quarum supra esset in fine libri secundi commensuratio exposita. In brachijs tantummodo et pedibus hinc discēs si secutus congruentiam formæ. Nam peruersio hæc in summis et imis seductionem immodicam complectitur.


Hoc instrumentum peruertentis etiam cum inuertēris exhibet de vso imago in inferioribus et superioribus partibus productio. In medijs contractior, vt in superiori quoq; visum. Hæc inuersio sic fiat. Resumat^{ur} linea distinctionis altitudinis, Et propositæ apponatur productionis. G. t. vt ante. Postea constitue et punctum. z. Et ad iunge duas lineas. x. z. et. z. y. Mox producit^{ur} lineas ex omnibus punctis distinctionis lineæ. x. y. in punctum. z. Postea scribito et punctum. c. respondentem a sinistra puncto. z. Tum longioris circini ita pedem vnum figito ante lineam. f. t. vt segmentum circuli describatur quod puncta. f. t. attingat, et arcuetur intra. x. y. et punctum. c. Quibus autē in locis cernes arcum transire lineas ductas in punctum. z. Ex illis ducentur lineæ παραλλήλως, quæ in linea ducta per ipsas post arcum versus. z. Nouam et de integro comparatam distinctionem explicabunt. Quibus perfectis latitudines et densitates beneficio Deligentis exquirendæ sunt ratione superius demonstrata. Ad hanc peruersionem quisq; imaginem qui volet effingat, nos instrumentum expressisse satis habuimus.

Mesura lege
et gracilis ima
ginis virilis de
scriptæ li. 2.


**Ecema alterius
percurrentis.**








Æ



æ



9

æ

Atq; hæc quidem variationes ita se habent, vt exposuimus. Quas etiam ipsas effectas vel per variantem vel Deligentem, Geminos Indicem peruertentemue, conceditur vltcrius etiam variare, accomodanti siue totis imaginibus seu certis partibus illarum, Quin et diuersarum imaginum commensurationes miscere quis poterit, qua ratione rectissime hoc futurum iudicari, dum quod sibi quodq; alijs placitum sit, exquirat. Sed euadent de huiusmodi missionibus monstrosa, Quare attentione erit opus, et magna cura forma in mensuratas partes altitudinis latitudinisq; ac densitatis inducetur. Nam in extrema notatione altitudinis itemq; per finientes illam transuersas indices latitudinis ac densitatis, omnia certam descriptionem obtinent. Sed intra has proclines sunt lapsus, quatenus aut interiora iusto aut exteriora lineamenta exprimentur, Vnde partium consequitur indebita crassities aut attenuatio, distensio aut contractio, quæ a nobis breuitati studentibus penitus explanata descriptione nostra non sunt, sicut manu ductione demonstrari possent. Venit inter hæc igitur nobis in mentem, aliquot imperitos tentantes a nobis ostensam viam ingredi, et in opere aberrantes, facturos vt nobis culpam ascribant, nostramq; doctrinam reprehensuros. Et omnino intelligo volentibus hanc nostram rationem usurpare prius omnia difficilia visum iri. Verum his censeo faciendum vt cum viuum corpus ob oculos ponant q̃ maxime conueniens ad institutæ effigiei commensurationem, atq; ita contemplantes naturæ opus studeant artis ipse suum ad veritatem exprimere, pro viribus et intelligentia sua, Laudantur enim imagines in quibus quasi vita agnoscitur, et similitudo in exemplari enitescit, præsertim si venustas quoq; assit, nã ita maxime apographa laudantur et magni fiunt vt merentur. Sed in illis discriminum appellationibus quæ sunt a nobis superius expositæ, Quisq; versetur vt lubet. Nam et artem sequi quæ veritatem complectitur, asuescere poterit, et absq; illa libertate quadam seducendi omnia vti, Quilabor intelligentibus ridiculus est, Vt contra bene et diligenter facta, Deo ipsi honori, vtilia hominibus, perq; se grata ac iucunda esse solent, Ille vero contemnendus labor prauitatis in arte culpandus et noxius, et odiosus tam in paruis q̃ magnis operibus inuenitur. Quare cum cura et ratione perfici ea par est quæ in lucem quisq; emittere cogitet. Videndumq; Nequid naturali veritati vel detrahatur vel apponatur intolerabile. Inuenias etiam qui variationes ac mutationes suas ita astringant, vt ægerrime illæ appareant, quod cum sensum subterfugiat, non minus q̃ vbi excessu peccatur, improbandum videtur. Media igitur quæq; optima sunt. Nos vero quod in exemplis tantas contrarietates exposuimus. Eo consilio fecimus, quo esset in paruis euidentia maior et illustrior, quod ipsum in grandibus imitari velle non fuerit rectum. In ijs enim illa rigiditas corrigenda et molliendi erunt ductus, vt feritas vitetur et artificiositas appareat. Quis autem differentias prauæ et absq; arte designatas animaduertat? Cæterum nemo miratus sit tot et tam diuersa artifici perito in mentem venire posse, quibus elaborandis non vitæ ipsius spatium sufficiat, quasq; cogat omittere breuitas illius. Sunt enim illa quæ incidunt innumerabilia, et animus artificum simulacris est repletus, Quæ omnia incoqnita prius cum in humanis tum aliarum rerum effictionibus, indies prolaturus sit, Si cui forte multorum seculorum vita, et ingenium ac studium artis huius vsusq; diuinitus contigerit. Diuino enim beneficio periti cum huius tum aliarum artium plurimum possunt. Sed cum de diuersitatibus ac variationibus

multum verborum fecerimus. Constat tamen et est in comperto, nullum opus nullamque omnino rem quam homines efficiant, inuariabilem similitudinem alterius operis aut rei obtinere, quin sua sponte discrepent, ut nemo viuat tam absolutus artifex, qui duo opera per omnia similia, et quæ discerni inter se nequeant, efficere possit. Nihil enim prorsusstrarum rerum ad tantam similitudinem peruenerit, quantumuis annuitamur. Quin hoc videmus si in typum eundem unam cartam imprimamus, et mox alteram, aut in eandem argillam cæs fundamus, quæ exeat in illis differentie notas inesse quibus discerni multis de causis possint. Quod si hoc usu venit in hac certitudine, quid in alijs accidere putandum. Verum de tali differentia non loquimur in præsentia, Sed intelligi aliquam volo quam exprimendam aliquis sibi studiose proposuerit, deque hac superiora omnia sunt accipienda. Quotiens enim animo opus quis amplexus fuerit, subeunt statim simulacra differentie, non illius inuitabilis et necessarie, sed huius quæ pulchra et turpia discernantur. Quam consequatur, de illis differentie vocabulis superius expositis. Perfecto autem opere sequitur contemplationem oculorum animi iudicium. In quo sententie diuersorum fere diuersæ sunt. Proinde in nostris tantum volo esse cuique concessum ut si ita visum sit, mutet nostra et moueat omnia, de quo paulo post disertius loquemur. Hoc modo caueatur ne opus ad nimis alienum ac innaturalem modum adducat, nisi forte propositum sit monstra et quasi somniorum gentem effingere, ubi omnium rerum naturæ confundatur. Sed ut ad institutum veniamus. Constituatur principio Effigies distincta per transuersas suas in spacia altitudinis, Illæ igitur transuersæ sunt certo numero a nobis comprehensæ. Sed conceditur cuique plures paucioresue describere. Plures quidem facere exquisitioni et certitudini seruit, quod diligentis artificis fuerit. Pauciores vero qui fecerit laborem sane molestiamque minuerit, sed ad eximiam certitudinem non poterit peruenire. Jam licet valde exercitati ne lineas quidem ducant, sed punctis in distinctionibus solummodo utantur, si hoc ipsorum intellectui satis fuerit. Atque hæc una est linearis mutatio nostre rationis. Altera similis est mouendarum linearum per totum corpus, demonstrare a nobis in varietatibus facierum in capitibus. Eodem enim et illæ totius corporis transuersæ aut ad mouebuntur propius, aut longius dimouebuntur. Quorum illud effecerit breuiiores partes, hoc elatiores idque totum differentie est breuitatis et longitudinis.

Nō autem negligenda densitatis et latitudinis differentia, quæ et ipsa cum partem intra transuersas variat. Si enim transuersas longiores feceris, per illas igitur aucta erit latitudo aduersorum corporum, et densitas obliquorum. Sin feceris breuiiores, erit utraq; imminuta. Idemque plane et intra illas partibus accidet ut maiores minoresue fiant. Sed hoc loco iterum moneo, Videas per omnia differentie vocabula Nequid nimis. His autem nostris præceptis si quis forte contigerit ingeniosus lector ac usurpator, admirabiles perfecerit mutationes et variationes figurarum. Atque ex illis hæc exeunt. Humeri lati, Astrieta ilia, et contracta femora, vel contra. Aut breuiusculus truncus, crura longa, vel diuersa illa. Item recta corpora cum brachijs et cruribus vel distorta. Omnino per mensurationem natura hominum patet, scit. Quare inde forme et deformitatis ratio petitur, utque opus venustum aut inuenustum fiat. Debet igitur artificis priusquam ad moueat tabulæ manum constitutum de liberatumque esse quid effingere velit. Ut cum fama quæretur opere, exquisitis optis

mis quibusq; et convenientissimis ad illud absoluendū utatur. Et si peritus exercitatusq; artifex in minime subtili ac in exiguo quoq; opere quid possit ingenium et ars magis ac melius prebari, q̄ alius in grandi et subtili. Hæc inusitata nouaq; alijs facile ac soli intelligent potentes intellectu et manu artifices. Vnde fit vt ab aliquo diurno spacio de pennula in cartam conijciantur, aut scalpello in furculo exprimantur, quæ laudabiliora melioraq; sint, q̄ alterius grande et annui laboris opus. Quod singulare sane Dei donum putandum. Sæpe enim contigit alicui ingenium et is successus operis, vt neq; ipsius seculo, neq; multis sequentibus similem habeat. Quod intelligi potest de veterum monumentis, quorum etiamnum fragmenta eruuntur. In quibus tantum est artis, vt nihil nostrarum rerum illis comparari possit. Sed si quis quærat quæ sit ratio pulchritudinis in Imaginibus. Dicent fortasse aliqui, Quam iudicia hominum approbent, Quod alij non concedent, Neq; mihi videtur, si hominibus impertis iudicium permittatur. Sed peritiam quæ sufficiat quis definit? In ea enim ego sum opinione, Neminem viuere qui cōtemptissimi animantis summam perfectionem cogitatione animi sui possit complecti, Quo minus hoc facturum quenq; putarim in homine, quem Deus singulari consilio et modo fabricatus, omnibus alijs animantibus dominari voluit. Hoc non negauerim ab vno quam alio elegantiore imaginem animo sæpe concipi et exprimi manu, quod quare ita sit optimis rationibus demonstratur. Sed non ideo ad maximam perfectionem perueniunt fuerit qua melius fieri quicq; nequeat. Hæc enim Ingenij humani viribus non comprehenditur. Diuina mens nouit, quæ sola humanam simili scientia instruere posset. Veritatis enim hæc est regula, Quæ forma quæq; mensura pulcherrima et conuenientissima sit, ad quam vnum quiddam non multa congruere necesse est. Sed quærentibus hominibus multa et diuersa incidunt, sectariq; contingit pulchra non vna via, deformia tamen ubiq; se magis offerunt. Atq; in his nostris tantis erroribus, non inuenio quam demonstrare veri modi absolutamq; pulchritudinem possum. Cum nihil æque cupiam quam ruditatem et deformitatem nisi forte consulto illa affectetur a nostrorum hominum operibus recidi, ipseq; si quid possim adiumentum afferre studiose facturum sim.

Sed nunc ad illud de quo aiebam hominū iudicium reuertor, quibus quæ nunc imago maxime pulchra visa est. Ei mox aliam anteponūt. Is autem artifex laudem meretur, qui singulorum iudicio probatam effigiem perficere possit, ad quod multum usus et experientie requiritur. Neq; quicq; melius ad hoc contingere illi posset, quam habere animo comprehensum veritatis modum, vt rectam et aptam proposito suo mensuram intelligeret, quam vnā et simplicem esse oportet. Hanc se si quis tenere proficitur, rem maximam præstiterit si demonstraauerit. Quod mihi in his tenebris et palpationibus nostris vix posse fieri videtur. Quicquid tamen operis geometrica ratione explicatum confirmatumq; fuerit, Id tantum habet certitudinis, vt reprehensioni nihil loci relinquatur, neq; enim illi contradici potest. Et talem artificem merito vt diuinum omnes venerabuntur, suntq; illæ explicationes auditu perq; iucunde, sed opus spectatu multo iucundius est. Sed dixerit aliquis, Quin igit in hac optimorum a te inducta desperatione studium scientie ponimus? Inhumanum hoc, neq; par fuerit propositis bonis malisq;, non meliora capeffere, q̄uis optima negata sint. Atq; vt quid melius sit in nostra re, id est, effigie quapiam demonstremus, facien

dum ante omnia ut mensura omnium partium certa et conveniens exquiratur, qua constituta ordine suo ac modo, singulatim partes tam minime quam maxime cum magna cura et diligentia perpolientur, si forte vere aliquid pulchritudinis reperire, et propius ad metam pertinere possimus. Cum autem, ut dictum est, humanum corpus multis ex partibus collectum compositumque sit, quarum singulae suum quendam rectitudinis habent modum, Magnopere annitemur ut intelligamus quid illi ipsi modo contrarium sit, quo melius vitare, et ad naturalem constitutionem quam proximè accedere concedatur, ad quam quasi recta via omnibus viribus contendemus, ut opus arte decorque conspicuum efficiamus, quæ omnia non mediocrem curam attentionemque vulgarem postulant. Primum enim animadvertat aliquis mihi illam separatam descriptionem faciei in capitibus superius expositam, certe subtilitatem deprehendet mirabilem, curvarum rectarumque linearum et aliarum notationum quæ de regulæ ductu non possint describi. Neque oscitante perfecturum intelliget illas frontis, genarum, nasi oculorum, buccæ et menti, rotundationes ac quasi globulos aut lacumulas, ut ne quid minutarum particularum omittat, quod non simili cum maximarum cura tractet. Neve minorem diligentiam in singulis effingendis, quam in universorum compositione et quasi coagmentatione adhibeat. Sequitur collum, hoc quadrare ad caput debet, neque brevitatem aut proceritatem, crassitatem aut gracilitatem deformari. Atque ita consequenter videndum ut in pectoris, alui, tergi, natium, item crurum pedumque, brachiorum et manuum lineamentis omnia diligenter et articulate effingantur. Quæ cum ipsa tum in his minutissima quæque omnibus suis numeris absolvenda sunt diligentia maxima, neque enim audiendi qui dicant se properantes non solere insistere operi. Quod nisi in necessitate cum res ipsa aut studium petentium moram non fert, concedi non debet. Hoc autem si forte acciderit, tum festinationi ignoscendum, si tamen in hac ipsa vera ratio custodita sit, et artis cognitio eluceat. Itaque tota erit imaginis facies a vertice ad calcem consentanea, cuiuscunque illa modi sit instituta, Seu rigidi, siue levis, carnosæ seu macilentæ, ne hac in parte carnibus excrevere, illa vero deficere videatur. Ut exempli causa, si brachijs tenuis, crura tumeant. Siue a fronte sint omnia plena, a tergo vero minime, aut contra, partium enim volumus esse inter se consensum, non temere praveque illas coaceruari. Quæ enim convenientia, eadem et pulchra videri solent. Quare etiam ætatis forma tenebitur. Neque caput iuuenis, pectus decrepiti, manus pedesque proventa ætate hominis faciendum. Neque a fronte adolescens, a tergo senex exprimitur, aut contra. Quæ enim nature non respondent, prava iudicantur. Proinde rectum fuerit in omnibus ætatibus constituti omnibus et modis custodire convenientiam partium. In effigie iuuenis, decrepiti, proventa ætate hominis, macilentæ, carnosæ, rigidi, molli. Erit igitur adolescentiæ imago, nitida, succulenta, æquabilis. Senectæ vero rugosa, distorta, inæqualis, consumpta carne. Ad hæc cum laude perficienda, expedit prius quam elaborentur ductibus et lineis ad mensurationem omnia describi, ut cognosci possit si quid forte rectitudini desit. Hoc qui cum attentione et diligentia servauerit, non illum facile poenitentia operis sui insequetur. Quæ de re postulatur ab artifice, delineationum exacta notitia, hæc enim ad artem momenti plurimum habet. Quod si maxime vera mensuratio designata fuerit, nihil citius est factu quam corrumpi rem, ab indocti alicuius delineationum manu, grassante temere per altitudinem latitudinemque ac densitatem Imagi-

nis. At peritus harum bonam veramq; mensuram nactus, rem etiam in exprimenda forma meliorem fecerit. Ceterum quo veritatem mensurationis aliquam adipisci, et quantum licuerit de illa in opera nostra pulchritudinem inducere possimus. Nihil ego quidem conducibilius inuenio q̃ multorum vna corpora ob oculos ponere. Etq; formosorum iudicio omnium mensuram colligere partium. Omnino enim artis intelligens non exquisierit nihil conuenientie partium in magna hominum multitudine. Quis autem vnum aliquem ostenderit in quo ad vnguem, vt dicitur, omnia perfecta sint, ita vt nulla quicq; in parte requiratur? Sed hac quoq; in parte memineris, ne naturæ modos confundas. Sed vt omnia congruant, quod fieri debere paulo ante diximus. Breue ad iuuenum imagines obseruatione iuuenilium corporum, Similiterq; senilium ad seniles. Idemq; de prouecta ætate accipiendum, vt et ad macilentos, carnosos, rigidos, molles, robustos, imbecilles, similes in viuis naturas conferes. Non est dubium quin per singulas partes huic rationi studentibus oblatura sese plura etiam sint quam quæ fuerint, et elaborare valeant. Nam formositatem rerum vix vnq; ars exprimit. Non iam dico eximiam et perfectam, sed exploratam nobis, et tamen exuperantem vires ingenii et effugientem gnauitatem manuum nostrarum.

Cum vero, vt diximus, diuersas ad imagines, diuersæ naturæ viutorum corporum exquirendæ sint, offerunt se hominum duo etiam quasi genera diuersitatis. Nostrorum inquam qui albi, et Australium qui nigri a Græcis Aethiopes perhibentur. Horum facies inter se dissimiles sunt. Neq; Aethiopum corpora tam grata sunt aspectu q̃ nostra, propter in illis nasi tantam depressionem, et labrorum crassitiem, itemq; manus, genua, tibice, pedes, nodositate deformes habentur. Sed ego vidi horum corpora alijs in omnibus partibus tantæ conuenientie, et quæ tanto studio naturæ perpolitæ essent, vt nihil perfectius fieri posse iudicarem. Verum et in suo genere multæ se diuersitates offerunt formarum, vtilis ad imagines obseruationis, pro constitutionum varietate. Ita robustiorum grandia sunt in trunco omnia, et quasi Leonina. At imbecilles leuia hæc habent, neq; torosi sunt, perinde vt illi. Minime igitur robusti imagini molliudinis, neq; imbecillioris, lineamenta rigiditatis accommodabuntur. Esti autem macilentæ accarnositati interdum seruiendum, tamen huius rigiditatis et lenitudinis modus pro arbitrio cuiusq; conseruari poterit. Horum veritas in natura et vita patescit. Quibus insistsens et oculos intendens, neq; inde ad tuas opiniones discesseris, quasi melius quid effecturus, scito enim futurum vt fallaris. Proxus enim in natura demersa est ars, quam si extrahere potueris, iam adeptus errores multos vitaueris in opere tuo, Cuius rectitudinem etiam magna ex parte Geometricis rationibus demonstrare poteris. Sed si quo illæ non accesserint, hoc communi hominū iudicio et sententie relinquendū est. Ita tamen vt vsum plurimum posse sciamus. Nihil autem certius q̃ quo propius ad vitæ similitudinem opus tuum peruenierit, eo maiorem illud esse rectitudinis laudem inuenturū. Quare aberit a te opinionis falsitas. Melius te facturum quicq;, quam fabricato a se Deus operi suo largitus sit. Ad hæc enim comparati conatus tui sine viribus inueniuntur. Ex quibus colligi potest, Neminem posse vnq; de proprio sensu et excogitatione, formositatem exprimere. Sed necesse esse vt quod ex animo suo formositatis deprompserit, id totū ante te in illum repositum fuerit, studio et sedula diligentiq; imitatione. Quod proprium putandum non est. Sed acquisitum ac comparatum studio diligentiaq; artificium,

quod constitum animo hos suos fructus protulerit. Atq; hinc ille reconditus in mente thesaurus. Et intus conceptæ species in opus producuntur. Qua etiam de causa exercitatis artificibus opus non est semper habere viua et animalia exempla ob oculos posita ad quæ imagines suas exprimant. Jam enim longo usu ac studio tantum in animum illoꝝ confluit, vt hauriri inde quamuis multum possit. His sunt omnia in expedito, sed perpauca tanta intelligentia cōtingit. Cōtra autē sunt plurimi, quibus magna assiduitate prauitas elaboratur. Illi vero, quos aiebam, exercitati artifices, iam arte et meditando exculti, etiam ad nullum aspicientes exemplum præclarum opus facile effecerint, etsi profecto reddit omnia respectus ad vitam et naturam meliora. Verum indoctis ac imperitis talis successus desperandus est. Nihil est enim harum rerum fortuitum. Itaq; inuenire est aliquem interdum, qui per se deq; sola animi sui intelligentia, in nullum intuens oculis animale exemplum, præstantiores effingat tamen imagines, q̃ alij quamuis sedulo et studiose vitam et naturam coram contemplantes. Artis enim cognitio his deest. Laudem autem petenti cauendum est in primis ne qua deformitate opus implicetur, quam ob rem superuacua ab ijs imaginibus quas esse pulchras voluerit recidet, his enim illæ dedecorantur. Quod sic licet intelligas, cecitas, debilitas, tabes, claudicatio, contorsio deformis est, propter defectum nem naturalis vsus. Sed non minus turpe fuerit ternis aliquem luminibus aut manibus pedibusue totidem conspici, non ob defectionem sed superfluitatem. Quo magis igitur huiusmodi vitæ proq; illis effinxeris necessaria, recta, conspicua, valentia, quæ omnibus grata sunt et probantur, eo maiorem laudem conciliaris operi tuo. Ipsum quidem pulchrum in natura absconditum, nostra iudicia fere turbat. Inuenire igitur est duos aliquos per ambos pulchros et venustos, quorum tamen neutri quicq; cum altero cōmune sit, neq; mensuræ nec constitutionis, neq; tamen planum est vter pulchrior dici debeat. Ecce sunt tenebræ intellectus nostri, quis igitur pronuntiarit verum de formæ excellentia? Sed quamuis nobis non appareat, verisimile tamen est illorum peræque formosorum vnum certarum partium perfectione alterum antecedere.

Ex his conficitur Ingenioso artefici cauendum ne quod vnum modo genus in picturis sequatur, sed pertinere ad illum, vt multiplicibus et diuersis modis exercitatus sit. Vnde hoc consequetur vt cuiuscunq; constitutionis hominum imagines exprimere possit. Vt sunt iracundorum mitiumq; aut alioꝝ quorumcunq;, quæ omnes in suo genere affabrefactæ probantur. Venit igitur aliquis et petit imaginem hominis infidi ac Saturnini aut Martialis, vel magis veneream amabilem et blandā, quid erit exercitato facilius, quam de supra expositis præceptis inuenire conuenientem et veram cuiusq; illarum imaginum mensuram? inuentamq; apta forma illustrare? Nam omnium ita naturæ effingi possunt, Quæ sint igneæ, aereæ, terreæ, moderante scilicet opus artis potentia. Neq; sane diu intuentib; manifesta est peritis artificibus operis laus et decus, sed et primo se momento ostendit, et in sui amorem incredibilem adducit intelligentes. Qui his in rebus multū versati sunt, ijs perspicuum est quod dico, iidemq; scientiam veri vsus tenent. Scientia autem veritatem semper complectitur, cum opiniones sæpenumero ab illa aberrant. Quapropter nemo etiam sibi confidere nimium debet, ne hac re in opere seduci ipsum contingat. Ideoq; fecerit studiosus huius artis precium operæ si multorum probatorum artificum opera

crebro contemplatus et depingendo imitatus fuerit, deq; illarum ratione artifices audierit disputantes. Non tamen quemq; existimare velim in quamvis laudabili opere non observandos errores si qui forte insint, quos et cognosci et emendari rectum fuerit. Neq; tibi quisq; persuadeat ut animum ad unum certum genus et modum imaginum astringas quas aliquem artificem cognoveris fere factitasse. Fert autem natura ut opus fere tale sit quale est iudicium animi et ratio. Sed ego te varia iubeo contemplari, et ex multis eligere optima. Opinionum enim falsitas nemini ferme non obstrepat. Et quis ausit dicere opus aliquod ita esse perfectum ut nihil melius fieri queat, cum nemo pronunciare possit, quis formosum hominem viderit, non illo tamen formosorem inueniri posse. Tutissimū autem iter ingredi optimum fuerit, siue de aliorum doctrina, siue propria ad animale exemplum exquisitione. Sed magistros illos non probō qui de arte cum verba sine fine facere consueverint, ipsi suum opus laudabile nullum habent proferre, quales ego scio me vidisse non nullos. Nam hos si fueris secutus, in errorem laberis. Quod me etiam tacente clamat prauitas operum ipsorum, Separata enim hæc sunt, de opere multum loqui, et illud facere. Non tamen ideo veto quenq; admittere instructiones imperitorum quoq; fieri enim possit ut rusticici tibi demonstrent peccatū quodpiam operis tui, etsi qua ratione corrigas docere te nequeunt.

Hoc loco monitos velim ignaros huius artis et discere de nostra doctrina aggressos, ut diligenter cognoscant quæ a nobis tradita sunt, primumq; pauca proponant discenda et efficienda sibi, quibus comprehensis tum demum pergant ad alia. Debet enim scientia una cum usu crescere, ut manus voluntati et intelligentiæ seruiat, unde tandem artis et usus magna certitudo existit. Quæ duo et cōiungi debent, et separata nihil valent. Jam imperiti et vulgus ut max. meliora a prauioribus discernere posse videantur, Tamen nemo est qui vere iudicare possit, nisi peritus artifex, qui et ipse sæpe laudem operibus suis consecutus fuerit.

Sed dicent aliqui, Tantum ne igitur laboris ac operæ ponetur in his mensurationibus tantum impendetur temporis, ut singulatim omnes imagines ad hanc rationem erigantur? atqui paruo sæpe tempore faciendæ plurimæ incidunt. Non hoc ne nos quidem præcipimus. Sed hoc doceo parandam studio et diligentia quandā certitudinem quæ in his solum rationibus consistit, atq; illā adeptis, in manus quardam infallibili libertate, nemo exegerit omnium corporum aut rerum mensiones. Quin etiā de arte oculi instructi pro regula esse incipiunt, manus autem obsequiosa est arti, quæ confidentiam parit et potentia sua errores depellit, et falsitatem excludit operis. Tum et celeritas non deest, neq; scientia plenus diu queres quid factas, neq; ductum punctumue temere proieceris. Talia opera artis laudem merentur, quæ et amabilia, et libera, et minime anxia, rectaq; videantur. Talia probantur ab omnibus quod bonitatem diffusam per omnes partes suas contineant. Sed imperiti et artis ignari nihil boni rectiq; unq; elaborauerint, quamvis manus libertatem quæ maxima esse possit consecuti fuerint. Quin illa tum libertas carcer putandus, cum ad errores deuinciat. Nihil igitur hoc potest absq; arte, neq; hæc multum sine usu effectit, coniuncta ergo, ut diximus, hæc esse debent. Vnde manifestum sit cognoscendam studiosis harum rerum, mensurationum rationem, qua perspectæ admirabiles successus consequuntur. Neq; enim humanam effigiem regulæ aut circini vno

ductu designatis, quare singulatim punctis per partes suas, ut ostendimus, describi
necesse est. Nihil autem quod mensurationis rectitudine caret probari poterit.

Video accidere posse, ut hæc nostra præcepta aliqui in grandibus imaginibus se-
cuti aberrent imperitia quidem ipsi sua, sed in me culpa translata, quasi de illis
parua quidem recte perficiantur, sed grandia non item. Sed hoc fieri non potest.
Nam si parua laudas, cur reprehenderis grandia? Si enim illa improba sunt, faci-
le concessero grandia rejicienda, hæc enim dissimilitudinem illam bonitatis et prau-
tatis non admittunt. Ut circulus non minus exiguus rotunditatem suam tuetur quàm
ingens, et quadratum similiter breuibus et prolixis lineis recte clauditur. Congruunt
enim proportionum rationes in magnis non secus ac paruis, velut in cantibus quam
tinnim octauam vocant, vnius cuiusdam toni est, siue vox tinnula seu obscurior fuerit.

Postremo sciendum demonstratas imagines etiam insuper ac multipliciter quibus-
dam variari posse, sed ita ut mensuratio prorsus eadem et imperturbata relinquatur.

Finitis libri Tertij.

Alberti Dureri liber Quartus picturae de flexionibus et gestu descriptarum Imaginum.

Demonstratis superioribus tribus libris aliquot
rationibus effingendi imagines ad certos et debitos, easdemq; variandi ad diuersos
modos. Superest ut indicetur etiam via flectendi illas pro cuiuscunq; voluntate, et
vertendi in iuncturis artuum, inq; nexibus membrorum, sic quidem ut natura ferre
videatur. Quis autem vsus quæue pulchritudo inesset illis rectis et rigentibus formis
sicut doctrina nostra superiorem librorum designatæ fuerunt? Cæterum quamuis
scitum membrum aliquod corporis præstansue sit, tamen deformi gestu dehonestari,
et ignobilius contemptiusq; eleganti quasi compositione commendari solet. Jam
membrorum tractatus, q̄ admirabiliter a natura in se coagmentata et innexa illa
sint, non est huius operis neq; propositi nostri. Eumq; relinquens anatomicis istis,
nusq; nisi forte necessitate coactus attingam. Sciendum igitur sic quemadmodum
decuimus factas imagines, quæ quidem oblique sine flecti solere in spina tota a cer-
uice vsq; ad coxam per et intra omnes transversas ductas lineas. Ita tamen ut ma-
gis pronas q̄ supinas efficias. Hæc flexio vniuersa designari debet in ultima parte
4. densitatis versus tergum, per et intra omnes, ut diximus transversas, præter q̄ ubi
coxendicum flexura est in summi femoris media linea. Ipsum in sua linea genu, pes
iuxta tali lineam, et si vsus fuerit in medio sui, Digiti per articulos suos flectentur.
Brachium flectes in humero, cubiti nexu, iunctura manus. Digitos autem in suis
quosq; articulis siue nodis. Sed imago aduersa utrumq; in latus flecti consuevit a
collo per totam spinam dorſi, quæ ut facilius animaduertentur flexionum notas in
rectis imaginibus, suis ubiq; locis apposuiſmus figura paruulorum triangulorum
aut orbiculorum. Quia vero simplex flexionum ratio non est, quo disertius omnia ex-
plicari possent, Differentias illarum aliquot proponendas duximus, de quibus pro
Intelligentia nostra totam hanc doctrinam exponeremus. Est etiam magna cum eu-
ra animaduertendum status ipse et facies imaginis quam velimus esse, siue seueram
seu blandam, quarum illa horridior et asperior, hæc amabilior et suauior esse debet.
Sed flexionis differentiarum hæc fere nomina sunt.

Inflexum

Directum

Curuatum

Contortum


Versum

Dimotum.


Implexum

Secundum has differentias quas sex nominibus appellauimus corpus huma-
num flectitur, pluresq; ac pauciores simul pro motu suo. De quibus quæ fuerit sen-
sentia animi mei lineis in sequentibus declarabo.


Primum igitur sciendum me sensisse. Inflexum ali-
quid dici ad talem modum. Est linea recta. a. b. inqz illa
notentur duo puncta. c. d. in quibus si inflexeris de recti-
tudine sua lineam in quamlibet partem, sic tamen ut in-
tra puncta designata particulæ non curuentur, sed ipsis
quasi articulis punctorum fiat inflexio, inflexum te fecis-
se de nostra intelligentia scias.




Secundo curuari aliquid accipiendum, quod rectitu-
dinem suam prorsus amiserit quocunqz modo, late enim
patet. Ut esto linea. a. b. circuli segmentum, aut supra ac
infra, aut supra, in medio, et infra, proqz omnino unius
cuiusqz arbitrio.




Tertio versum dicimus tale. Est linea. a. b. et c. d.
quarum una imponatur in alteram, ut ambæ una esse
linea videantur. Postea notetur in medio illarum pun-
ctum. e. et in illo coherentes vertantur, sic uti supra atqz
infra diuariantur.




Quarto Implexum dico, ut. a. b. c. d. Implexas
descripsimus quasi terebellatim.



Quinto, Directum et contortum hoc voco, cum
linea vel explicatur et erigitur, vel quasi complicatur et
corripitur, ut fiat aut longior aut breuior, quod aliter q̄z
duabus lineis una longiore, breuiore altera, ostendere
non potui.



Sexto, Dimoueri intelleximus, cum duæ lineæ in
se impostæ ut una viderentur, ita separatæ essent ut
neutra contingeret alteram. Quod ipsum diuersi mo-
di est, Nam in paralelis in omnes partes et una obli-
qua et in curuis accidere, et separatio pro cuiusq; arbi-
trio institui potest. Huius rei exemplum apposui-
mus, in designatis lineis. a. b. et. c. d.



Sed hæc ut in lineis demonstratur ita memineris et in superficie quam planam et in mollibus corporibus quæ insuper lata densaq; intelligimus, accidere. Et alia cū similiter ut lineæ, quas et ipsas complectuntur, inflecti, curuari, verti, implecti, dirigi, contorqueri, dimoueriq; solent. In humano autem corpore quomodo singulatim vsurpentur nunc deinceps docebo.

Primum quod inflexum nominauimus, Est in corpore artuum, id est, iuncturarum. In illis enim membra inflectuntur, quæ tamen retineant rectitudinem suam, ossa si flectere velis, frangas. Quare demonstrauimus hoc de lineis mutilis quæ ceteris in punctis cohererent et essent rectarum particularum.

Secundo curuantur in humano corpore veri et carnes. Nam cum in latus, aut prorsus retrouertitur corpus flectitur, Nervi etiam et caro curuatur, ut alibi cauula, conuexula alibi appareat.

Tertio de membris versionem nominauimus, ut cum caput vertitur, similiter et brachia et pedes et truncus ipse, atq; adeo pleraq; omnia membra in corpore.

Quarto implexionem scies in nervis etiam et carne accidere in corporis versione, cum mollia implexa in corpore sunt, ut in collo, trunco, brachio, pede.

Quinto notabis directionem et contorsionem in humano corpore per sepe vsurpari, quarū illa extenuat, hæc inspissat. Cuius rei tale detur exemplum. Si brachiū extenderis ut directum sit, Nimirum intenduntur et nervi, et carnem in longitudinē extenuant. Sed si idem contraxeris ut contortum sit, contorquetur etiam et comprimatur, caro ad spissitudinem, idq; vsu venit et aliis in partibus.

Sexto dicimus in corpore vnā partem ab altera dimoueri, cum quasi separatim discedere videntur in latus, aut prorsus, retrorsusue. Itemq; in curuationibus et inflexionibus carnes dimouentur, et quasi a sese recedunt foras, intro, aut in latus.


Cæterum sex istæ differentię possunt et semel omnes in corporis motu accidere, sic uti membra, inflecti, verti, et separari dicantur. Interea caro et mollia in corpore curuantur, implectuntur, contorquentur, partesq; a se mutuo naturaliter vrgeri cernuntur.

Ex his igitur quæ demonstrata sunt, suas quisq; imagines, in quo voluerit, et vere res poscet gestu constituere poterit. Sed cauendum ne a naturali constitutione discedatur. Quibuscunq; autem rebus vis offertur, illas deformari necesse est. Vitabitur etiam hoc loco nimium et parum. Quibus aut furiosa aut somnolenta imago reddatur, quod est culpandum, nisi in proposito forte faciendi ad hunc vel illum modum imaginem. Intelligendum autē horum omnium usum esse in humanis et virilibus ac muliebribus, similiter et bestiarum, ut equorū et aliarum animantium imaginibus.

Sciendum etiam supra descriptas imaginum staturas, Non retinere inflexionibus omnium partium, neq; æquabilem mensuram latitudinis et densitatis. Nam in motu apparet vni parti quasi decedere aliquid spacij et accedere alteri, ita consequitur in opere mutatio, quæ ut rectius perficiantur, elaborandum est studiosis harum rerum in multis exemplis, quæ ad viuorum corporum similitudinem exprimāt. Ita enim facile deprehendent omnium partium modum, qui notissimus esse debet, ne in opere erretur.

Præterea ad requirendas flexionum effectiones, una est maxime sculptoribus utilis via de multis. Si in designationibus præcipue partes imaginis intra transuersas lineas, quadratis angularibus figuris includantur. Hæc fiunt apte in delineationibus et prima operis institutione. Eodem autem modo et capitis spacium comprehendit solet, et colli, et particulatum totius truncus, usque in cinctum. Inde ad summum usque femur, et hinc usque ad genu, et consequenter tibie et calces. Idem et de brachijs intelligendum. Nam angularibus figuris aptissime declarari poterunt omnia omnibus in corporis partibus lineatim punctatimque, ut singulorum situs de parallelis lineis erectis et transuersis intelligatur. Sed illæ omnes quadratæ aut rectangulæ fieri nequeunt, suntque lateribus ac angulis ad subiectas partes corporis adaptandæ, ut in intelligentiæ veræ adiumento esse possint.


Verum ut præcepta flexionum exequar, faciam pro mea consuetudine, ut exemplis explicem. Proponatur igitur Effigies virilis primo libro ac loco descripta. Secorsumque primum caput. Quod quidem rectum ad perpendicularum in latus vertatur. Illam supra expositam depressam faciem constitues ita ut te spectet, sed quasi circum agendo in angulum propemodum collocabis, non tamē ita ut plane angulo insistat, quo facto cum cernas angulos notatos suis numerorum notis. 1. 2. 3. 4. ex ijs singulis sursum lineas *παραλλήλους* duces quam altis illis usus egere videbitur. Atque ita descriptio latitudinis erisset quadrilateri in quod versa facies includatur. Postea subiecies erectis istis lineis vnā longam transuersam notatam punctis. x. y. In quam impones faciem aduersam supra dextramuersus, et beneficio transferentis deducto transuersas omnes aduersæ faciei per illas quatuor erectas, ut docuimus lineas. Habebisque iam in hac noui quadrilateri distinctione designata omnia loca, frontis, superciliorum, oculorum, nasi, aurium, buccæ et menti. Postea educito ex omnibus angulis depressæ faciei suas singularum partium lineas et ipsas *παραλλήλους* sursum per transuersas iam inductas. Ita designabuntur et his, nasus, oculi, bucca, mentum, aures, frons, collum, capitis rotunditas, siue cranium. Apparebitque in quibus et intra quas singulæ partes exprimendæ sint, quarum et expressione forma conueniens versæ faciei et quasi respicientis inducetur. At hæc ratio, ut error deuitetur, singularem poscit diligentiam. Nos ad certius omnia demonstranda ipsius descriptionis exemplum subiecinus.




Eodem modo quo principalem faciem vertimus ut quasi respiceret, ita nunc deinceps ostendam rationem qua reclinata vertice et mento elato ita constituatur ille ut quasi suspiciat. Ea esto talis. Oblique faciei quadratum instructum de superiorum scriptorum doctrina, Constitues in posterioris lateris inferiorem angulum in lineam transversam longiusculam. x. y. angulum autem inferiorem prioris lateris ubi mentum inest, eriges. Postea lineam transversam et ipsam longiusculam $\omega\alpha\rho\alpha\lambda\lambda\eta\lambda\omega\varsigma$ ad lineam. x. y. impones supra ut eminentem angulum quadrati attingat, ea sit. h. h. Huic deinceps adicies aduersam faciem suspicientem hoc modo. Intra transversas illas duas longiusculas designabis totius faciei aduersæ latitudinis spacium lineis perpendicularibus duabus. a. b. Et intra has etiam distribues reliquas lineas suis notis, ut in principali sunt positæ, nempe. c. d. e. f. g. h. i. k. quibus ipsis latitudinis partes designentur. Tum deinde beneficio transferentis deducito ex obliqua facie omnes lineas transversas in quadrilaterum iuxta positam aduersæ faciei, summi

capitis, frontis, superciliorum, nasi, aurium, buccae, menti, colli, aliorumq; quibus opus fuerit. Ita cancelli isti facile ostendēt quas quibus locis partes suspicientis faciei imponere debeas, sed tuce diligentiae fuerit in formae expressione, quae in quem locum cadant infallibiliter animaduertere. Ceterum ut hac ratione quasi suspiciens facies ita et despiciens effingetur, Si ita feceris quasi despicientem, quadratum oblique faciei, Quae quo melius declararentur, utramq; faciem suspicientem ac despicientem effictam ad nostram doctrinam subiecimus.

In utraq; etiam facie licebit usurpare versionem, id est, facere quasi in hoc gestu respicientes, Quod ipsum illas mutare, et in opere mirabile videtur. Huic quidem in utramq; partem rationi depressiones seruiunt, quae fuerint harum facierum, suspicientis in q̄ et despicientis. In tali variatione depressionum, dictu mirum quantum artis comprehendatur, quantaq; omnium certitudo appareat. Neq; putandum his in faciebus solummodo locum esse, cum possint ad totum etiam corpus accommodari. Ut enim faciem docuimus deprimi, ita si res postulauerit, totius corporis depressio nem faciemus. Sed hoc priusq; aggrediatur, imaginis gestus constituetur, flexusq; omnes pro voluntate cuiusq; componentur, atq; ita singulis e locis et partibus ad depressionem, demittentur perpendiculariter lineae.





Ut autem rectius intelligi possit doctrina nostra flexionum, et quales exeat de his imagines, proponam nunc deinceps principalem imaginem virilem longam spaciorum capitis sui septem, flectendam ijs in locis in quibus flecti conueniens fuerit. Cumatur igitur descripta facies despicens obliqua, et imponatur in aduersæ effigiei truncum, apparebitq; respiciens sinistrum latus suum. Sed faciem despicentem aduersam impones in obliquæ imaginis truncum, bisariam enim præparata principalis effigies esse debet. Post hæc flectes supra lumbos in latus sinistrum, et apparebit elatio: humerus dexter sinistro. Insuper flectes per spinam dorsii in aliquibus quidam transuersis, ne in vna recta linea corpus inclinandum sit. Et sinistrum brachium diriges, sic ut protendi videatur. Infra lumbos coram inflectes paululum in sinistrum latus. Et pedem sinistrum respondentem ad caput figes ut illi insistere videatur. Rectum autem diriges ut in dextrum latus paulisper protendatur. Ipsamq; tibiam infra genu reflectes quasi retrahens, ut hac parte digitis insistere videatur.

Ad hunc modum delineata imagine aduersa, tum deinceps accomodatur, et obliqua traductis beneficio transferentis omnibus transuersis, quibus omnium partium loca clare demonstrantur. Secundū quæ de nouo forma conueniens exprimi debet.


Similem rationem sequeris in flexione muliebris imaginis accomodate superioris virili, sed nos contrarium gestum exposuimus in exemplo. Hoc est suspicientis faciei. Quæ tamen et ipsa in sinistrum latus spectet, ut illa viri. Cuius quidem corpus ut in idem latus flecti iussimus, ita præcipimus hoc muliebre flecti in diuersum hoc est dextrum, conseruata tamen muliebris constitutionis modo, quo facto in traducendis lineis, decurres ad transferentis opem, faciesq; ut faciendum in virili imagine ostendimus. Horum exempla articulate infra expressimus, quorum quisq; contemplatione instrui possit. Sed intelligendum non ad hanc tantum vsus rationem hæc pertinere, Sed viam etiam monstrare ad alia atq; adeo diuersa faciendi, ut cuiq; libuerit. Præterea sciendum, flexas singulas partes in transuersis lineis, pro rei conuenientia verti quoq; insuper posse. Ut verbi causa. Si humerus virilis sinister deflexus sit coram versus, conuertere etiam eundem et quasi versare retro. Dextrumq; velut promouere poteris, ipsa illa corporis parte tanq; se vna mouente et subsequente gestum. Ita ubiq; facias, et copiosius q; pro scriptura hac vsurpes omnia licebit.

Sed iam percurſa ratione flexionis aduerſe imaginis in utrumq; latus, propoſnam deinceps modum flectendi proſus et retroſus in obliqua imagine, quæ primū conſtitui debet. Ut autem ſupra principali effigie ſum uſus deſcripta primo libro ac loco, Ita nunc ſumatur flectenda eodem libro ſed loco ultimo deſcripta effigies virilis ac muliebris cuius altitudo conſciceretur ipſius capitum ſpacijs decem. Hæc contrarietas magnam euidentiam habebit, in comparatione breuitatis et denſitatis, et altitudinis ac gracilitatis utriuſq; maximæ.


Principio hanc effigiem principalem facies quaſi inſiſtere pedi dextro, ſed leuū retrahes quocum ipſo vna etiam nates ſequentur, genu autem incuruato retrahetur et tibia, vt hac in parte digitis inſiſtere videatur. Poſt hæc in linea umbilici ordiere ſpinam doſi flectere retro nonnihil incuruans, ſupraq; iuxta iugula producens curuaturam vltra rectam lineam ſignatricem altitudinis, vt hæc ipſa flexio ſegmentum circuli plane obtineat. Tum collum bene incuruabis, vt caput demittatur et facies ſit deſpicientis, vt autem ſtatus æquabilis et quaſi libratus maneat, ſit directione ſiniſtri pedis et brachij dextri retroſum.

Virilis imaginis flexuram alicubi variabis in effigie ſua muliebri, ad hunc modum. E cinctu retro inſectes per totam ſpinam uſq; ad ceruicem, et brachium dextrum retroſum diriges. Poſtea e cinctu uſq; ad ſummum femur nates retro flectentur. In cora dextra ita flectes vt femur genuq; dextrum prætereant lineam fixam altitudinis. Sed infra genu tibiam retrahes. Ita corpus libratius, ſiniſtro pede vt digitis inſiſtere videatur. Deinde cum transferente traduces tranſuerſas omnes lineas quibus altitudinum initia et fines notatæ ſunt, ex aduerſa imagine in obliquam. Et latitudinem ac denſitatem prædeſcriptam accomodabis, et coxas vertes in dextrum paululum latus, habebisq; hanc de nouo imaginem in geſtu deſignatam, quam inductione formæ perficies, ſicut me feciſſe videbis. Hæc iterum moneo in exemplis proponi a me vt generalem doctrinam, ne quis putet ad hunc vnum ſe modū a me alligari. Flexiones enim imaginum pro ſuo arbitrio quiſq; uſurpare, et ſedentes ac cubantes, inq; omnibus aptis vno corpori geſtibus exprimere poterit, omnibus modis ac generibus. Itemq; vt oſtendi quaſdam flexiones in duabus propoſitis imaginibus vna breuitatis et craſſitudinis, altera longitudinis et gracilitatis, ita licebit facere in omnibus alijs imaginibus, quarum commenſurationes in ſuperioribus libris a nobis ſunt demonſtratæ.


Imago virilis rustica, cuius altitudo continet septem capitio sui spacia.




Hoc loco lineæ rectæ designatrices partium omiffæ funt.




Imago muliebris rustica, cuius altitudo continet septem capituli sui spatia.





Hoc loco lineæ rectæ designatrices partium omiffæ funt.






Hæc loco rectæ lineæ designatrices partium omiffæ sunt.












Sequentes imagines fere easdem flexuras quas ille priores acceperunt.















In sequentibus recipiam in manus rationem curuandi imagines, Itemq; dis-
 motionis, versionis, implexionis, directionis et cōtorſionis, ostensurus aliquem vsum
 horum, vt in flexionibus et versionibus supra fecimus. Hæc declarabo duobus corpo-
 ribus, ita enim rectissime intellectum iri confido, ea erunt quadrata impositumq; vni
 alteri. Meminerint autem lectores hæc in parte aliud esse superficiem, aliud corpus.
 Nunc igitur cōsideretur, si intelligas hæc corpora mollia esse, quomodo quasi diduci,
 dirigi, contorqueriue, et ad alios memoratos modos effingi queant. Horum demon-
 stratio esto talis.


Statuantur alicuius membri loco duo quadrata corpora, vtriusq; autem super-
 ficiem contiguam alterius notabis suis quibusdam punctis, vt discrimen illarū con-
 ſet. Vt verbi causa, angulos superficiei inferioris corporis superioris notato literis
 quatuor. a. b. c. d. Et angulos superioris superficiei corporis inferioris numeris qua-
 tuor. 1. 2. 3. 4. medius autem in his ambobus punctus ponatur. o. In quo semper iun-
 cta illa sint et ex quo nunquam excedant, in omnibus tractationibus suis. Post hæc
 subicies his quadratum quod sit quasi fundamentum, et illa depressio figuræ de qua
 sæpe diximus, cuius et ipsius angulos notabis literis et numeris, sicut ratio exigit de-
 ductarum rectarum linearum transferentis beneficio, ita vnus angulus sortietur nos-
 tas. a. 1. vnus. b. 2. Itemq; tertius. c. 3. et quartus. d. 4. Quæ omnia subiecimus li-
 neis notisq; suis expressa.

Sit nunc propositum superius corpus in latus vertere, qua versione omnes illius
 anguli dimoueantur ab angulis subiecti quadrati, igitur in fundamenti seu depressio-
 nis quadrato hoc fiat. Vt angulus. a. ab angulo. 1. et. b. ab. 2. c. ab. 3. d. ab. 4. discede-
 re videantur. Ex quibus dimotis angulis si sursum beneficio transferentis lineas cri-
 gas, apparebit statim superioris quadrati corporis versio, quemadmodū et ipsum hoc
 iuxta ipsa insistentia sibi corpora et subiectum fundamentum, clare effinximus.


Versiois huius rationi locus fuerit in omnibus transuersis designatricibus par-
 tium humani corporis lineis, ad exprimendos naturales quosq; gestus, deq; hæc ipsa
 ducta est descriptio superioris versæ faciei.



Ced ita verso superiore quadrato ut anguli dimoti fuerint, debet studiosus harum rerum etiam inclinationem experiri, ut latera obliquentur, et mox in fundamento subiecto depressionem quoque tentare. Ut autem omnes anguli in hac depressione notabiles sint, apponantur superioris etiam quadrati superiori superficiæ litteræ quædam, Illæ sunt. e. f. g. h. cum fuerint inferioris. a. b. c. d. Quæ si rite perfeceris, erit figura omnium talis, qualis est a nobis subiecta, explicata in fundamento rectis lineis variatione, quæ perducere beneficio transferentis consueverunt.





Deinde verso superiore quadrato ut ostendimus bisariam et in laus inclinatio, tentetur tertia quædam ratio proclinationis in aduersum superioris quadrati. Punctus autem. o. quem medium fecimus debet semper immobilis remanere, nisi forte aliquis necessarius usus commouerit. Ita vertetur quadratum illud inque latus ac prorsum simul flectetur, unde cum fundamenti depressio beneficio transferentis exierit, tum talis erit figura qualem infra positum exemplum continet.




Sicut autem de superiore doctrina nostra, impositis in se duabus quadratis, ratio versionis flexionisq; in aduersum retrosumue, et in latus, intelligi potuit, ita sciendum et inferioris quadrati tractationem usurpandam, Vtq; vnum altero fixo moueri, ita et moueri verumq; licebit, pro eo atq; vsus et res tulerit. Sed hæc cum descripsit aliquis, tum mirabilis videtur quasi discursus laterum, angulorum, superficiesrum, in ipsis stantibus et depressis corporibus, ut videre licet. Nam alicubi corpora sibi quasi insinuantur, alicubi diduci et explicari videntur. Quæ cum in mollibus accidunt, Directiones et contorsiones e contrario animaduertuntur. Vnde fit, ut quæ vni parti demantur at tribuantur alteri, ut quæ decessisse putet expleantur.

Præterea non est ignorandum, similem rationem quam flexionis et versionis demonstrauiimus in rectis lineis, Iniri etiam posse in molli corpore cum lineis, lateribus ac superficiebus, pro voluntate cuiusq; curuatis. Quorum declarandorum gratia, subiiciam superiorum flexionum et versionum aliquibus in lateribus et superficiebus curuationes, Ne quid intelligentiæ cuiusq; obflare possit.



Sed his etiam intellectis differentiis flexuræ et versionis aliorumq; motuum demonstratis in quadratis illis corporibus, adhuc tamen restat implexio, cuius cognitio non est negligenda. Iplexio autem accidit lineis lateralibus ab angulo in angulum ductis, cum quibus una etiam superficiem simul implecti contingit. Quæ ratio non est diuersa ab illa supra indicata curuationum, nisi quod implexio lineas commisceat, cum illæ quasi terebellatim, ut dictum est ducantur. Iplexionis autem est cuiq; libera usurpatio, qua efficitur ut nihil priorem suam figuram retinere videatur. Idem et depressio his quæ implexa fuere aliud longe a priore fundamentum apparet, quemadmodum in nostris subiectis effectionibus cernere licet. Accidit autem hoc necessario ut mutatio figuræ depressionem aliam pariat. Vbi sciendum ea quæ vertantur, in depressione vertenda esse, unde figura erigatur, Quæ autem flectantur in figura esse flectenda, Unde in depressionem demittantur.




tuo arbitrio exquisitas flexus et versiones. Ita inuenient illæ differentiæ supra memoratæ dirigendi, contorquendi, curuationis, implexionis, unde operis ratio et via aperiat, qua nihil utilius ad certitudinem indicari possit studiosis artificij marmora aut lingua scalpandi.

Quod autem duobus quadratis corporibus sit in harum rerum demonstrationibus usus, Nemo arbitratus sit non etiam alijs his figuris accidere. Possunt enim hæc non quadrata semper, sed interdum elata prolongare, id est, altera quavis parte longiora, nec non multorum laterum et polygonorum, pro exigentia partis et formæ designandæ, quo ipso fit ut neq; latera neq; superficies neq; anguli æqualitatem aut rectitudinem retineant neq; quicq; omnium sibi in aliquo corpore simile appareat. Hæc si quis tractanda in manus cepit intelliget non frustra hanc mentionem a me habitam esse. Cæterum eadem plane est ratio mutatæ quocumq; modo figuræ flectendæ ac versandæ, cum ea quam de quadratis corporibus exposuimus. Totum autem humanum corpus poterit aliquis hæc sequens in angularem figuram includere, sed in qua summa sit inæqualitas. Idemq; usus fuerit in alijs plurimis rebus. Omnes enim naturales res in suo statu designatas poteris iuxta transversas significatrices partiū seu membrorum vertere ac flectere in latus aut prorsum retrosumue, Et loca quadratis vel angularibus figuris designare, gestumq; esse fingere imaginis pro arbitrio tuo, stantis, sedentis, cubantis. Ita in proposita imaginis ne licet partes omnes designes quadratis aut angularibus figuris, et postmodum de

Hinc enim deprehenduntur in quaq; superficie angulari, ea quæ resecari debeant, ne plus minusue relinquatur. Sed his non occupantur periti et exercitati artifices, nisi in grandibus et singularibus operibus. Solentq; in descripta imagine flexus punctis notare, atq; ita mox variatam mutatamq; formam de nouo effingere. His de rebus non me fugit q̃ difficile sit scriptis doctrinam complecti, quodq; lectoris ac discipuli tædium esse possit, in hac crebriitate punctorum et notarum, et verbositate repetitionū. Verum compendia multa sunt quæ in his sequētes minus fatigentur, et facile finem pertingant, absq; quo foret. Difficultas huius artificij insuperabilis esse videatur. Qui se igitur multum usu et experientia harum rerum exercere voluerit, cotidie inueniet aliquid expeditius et facilius. Cui operæ nihil optabilius fuerit bono magistro, quæ esset absq; interprete discenda sunt, multipliciter maiorem laborem fatigationeq; parere solent.

Horum quæ diximus in imagine virili exemplum subieciimus effectum. Ea imago erit illa supra in secundo libro descripta cuius altitudo esset quidem ipsius capitis spaciolum nouem, sed facto capite elatiusculo, non constiterit eadem mensura nouem num caput. Huius igitur imaginis formam obliquam aduersamq; inclusimus vndiq; quadratis et angularibus figuris, quæ ipsæ quidem et elatiores et humiliores de transuersis distinctricibus ipsarum exeunt, fiuntq; inequalia propter formam partium quibus accomodant. Huius imaginis etiā altitudinem nouem sectionibus diuisimus in decem figuras angulares. Sectionum autem hæc sunt nomina. Transuersa linea menti, Scapularum, Jugulorum, Mammarum, Cinctus, Coxarum, Summi femoris, Genu, Imitati sub tibia. Sed maioris claritatis gratia, imaginis primum formam vndiq; inclusam quadrangularibus figuris linearum exposuimus obliquam et aduersam, stantem et erectam absq; flexu, protenso brachio dextro, sinistro dependente. Sed in parte altera cartæ cernes tantum quadrangulares lineas rum figuras insistentes sibi, omissa formæ effictione. Postea hæc ipsa quadrangula imposita in se, et includentia imaginem, aspicias infra in fundamento depressa, beneficio transferentis, ita vt separatim de capite factum supra vidisti. Postea seorsim sectionum illarū singulas rotundationes consentaneas quadrangulis suis descripsimus, quod exquirendum est et in aduersa et obliqua effigie. Atq; ex hoc apparet quid in singulis sectionibus quadrangulæ superficiei decedere debeat. Hoc loco aduertendum, cum quadrangularis superficies in eadem sectione vna est superioris corporis altera inferioris quæ in se imposita sint. Tunc intelligi etiam vtriusq; vnā et eandem circumductionem. Quadrangula etiam sectionum seorsim exposita cancellatim lineis distinximus, vt si quid versum flexumue fuerit, debite de his informari possit. Alicubi enim contingit quadrangula prolongari vt comprimantur alicubi Rhombos effici, tum igitur secundū hæc partium formā debite rotundare oportebit, cum autem quadrangula Rhombi fiunt consequenter et cancellatim lineæ ductæ secundum eam figuram cadunt. Cum autem aliquid quod amplum esset angustum factum fuerit, vtere adminiculo Variantis cuius in priore libro Schema expressimus. Postea has sectiones vniuersas depressas in fundamento quasi coaceruauimus, omissis quadrangulis, vt perspicui posset qualis esset illarum in se incidentia, et quatenus vna alteram excederet.



Caput

Uentum
Scapulae
Iuguli

Uammae


Emtus


Cera

Uemur

Uenu

Uum tali
Uanta






Post hæc libet exquirere quæ sit diuersitas aspectus istarum sectionum cum non magis recta in suis quadrangularibus superficiebus insisterint sibi, sed fuerint motione quasi impulsæ. Quorū declarandorum gratia proponatur exemplum, Quadrangulæ sectionis quæ acciderit intra mammæ et cinctum. Hoc ipsum solidum quadrangulum imponatur primum oblique forme rectam in transversam lineam, et angulos supra ubi de mammis resectum sit notabis literis in priore parte. a. b. in posteriore. c. d. Sed ubi resectum sit de cinctu, notabis frontem. 1. 2. tergum. 3. 4. Hinc subijcies fundamentum suum seu depressionem, notatam et ipsam similiter literarū et numerorum eisdem notis. Ut omnia sibi mutuo respondeant. Deinde oblique forme recte impositum in transversam quadrangulum, flectetur per notas spinee prorsus. Subijciaturq; et eidem depressio sua, notabunturq; anguli quicq; suis literis suisq; numeris. Ita proclinatorum hoc corpus acceperit nouā depressionem. Tum deinde hæc depressio in priore parte ubi pectus sit, vertetur prorsus in aduersum et bene in rectum latus subter memoratam lineam transversam. Quo facto ex omnibus notis literarū ac numerorū educuntur linee sursum ultra transversam. Mox per has, ut diximus, erectas lineas ex literis ac numeris suis, traduces transversas ex oblique forme quadrangulo imposito in transversam, ut initio dictum est, idq; transferentis beneficio efficietur. Notentur autem quæq; literæ ac numeri, et omnia euidenter constabunt. Atq; ita laterum linee describantur, apparebitq; illa in latus versio. Erigatur iam hæc pars flexa prorsus, et versa in latus. Tum postea ipsa hæc ita flexa et versa pars, in dextrum latus super transversa flectetur per spinee notas, Atq; omnibus ex angulorum literis et numeris, huius rectæ partis et flexæ prorsus, itemq; versæ et

flece in latus deduces perpendiculares, perq; illas transfuerfas ex omnibus literis ac numeris depressionis verſce duces transferentis beneficio, Vbiq; cernentur ſeſe in li-
 teris ac numeris ſuis ſcindere, illis in locis laterales circumduces lineas, et congruen-
 tia omnia reperientur. Intra autem has cancellos diſtribues linearum de oblique et
 aduerſce forme ſectionum nouatis quadrangulis, pro latitudine et denſitate ſuperio-
 re et inferiore, idq; fiet beneficio variantis. Poſtremo forme effictionem per cancellos
 inſcribes in erecta ſimul ac depreſſa parte qualis inſcribi debet, et vt nos feciſſe cer-
 nes. Quemadmodum autem docui hanc partem tractari poſſe, Ita de omnibus li-
 cet faciat aliquis. Neceſſe autem fuerit hæc habere præparata, ad imagines in geſtu
 ſuo poſito corripiendas, et cum aspectui quaſi ſubtrahere quis ac ſuffurari voluerit.

Huius variationis vſus
 pertinet ad ſectionem
 mammari in obliquo.

Huius variationis vſus
 fuerit ad ſectionem mam-
 marum in aduerſo.



Huius variationis
 vſus pertinet ad ſe-
 ctionem cinctus in
 obliquo.

Huius variationis
 vſus fuerit ad ſe-
 ctionem cinctus in
 aduerſo.


Sed nunc ostensa hac ratione exemplo maiusculæ partis propositæ de humana
 effigie, nempe eius quæ esset intra mammas et cinctum, ex quo per omnes partes insi-
 stentes sibi quid fieri deberet intelligi posset, cum de recta linea status variaretur. Exes-
 quar eandem nunc deinceps rationem in flexionibus omnium ordine partium inclus-
 sarum quadrangulis suis. Quarum statum et ponemus pro arbitrio nostro et varia-
 bimus, relinquentes unicuique libertatem faciendi ut ipse voluerit. Et ad hæc quidem si
 quid ante ipsis aptum aut utile forte expositum sit, etiam nunc resumemus. Cæterum,
 ut ante quoque monuimus, diligentia hac in parte opus est, cum omnium partium in
 suis quadrangulis commotarum alia sit quàm dudum forma in descriptionibus, et statu-
 tum et depressarum, primum autem flecti pars aliqua solet prorsum aut retrosum,
 Deinde in latus verti, mox etiam flecti in latus, quæ omnia ex hac ratione conuenien-
 ter deduci consuevere. Quod autem in sequentibus aliquid prius dictorum repetitum
 inuenietur, sciendum necessitate factum, ut sequens doctrina cum antegressa congrue-
 ret. Aliquantisper etiam cogitavi illo esse unico exemplo contentus, sed veritus sum ut
 ex illo parum intelligerentur reliqua. Proponam autem principio, Imaginis initia-
 lem partem, id est, quadrangulum capitis, cuius tractationi erunt similes aliarum
 quoque partium tractationes. Notantur autem primum superiores anguli quatuor li-
 teris, a. b. c. d. Inferiores autem numeris, 1. 2. 3. 4. Ita ut, a. ad. 1. b. ad. 2. c. ad. 3. d. ad. 4.
 respondeat. Postmodo spectans obliquam faciem, promissam illam a linea alitudinis
 imaginis flecto prorsum ut despiciat, Et hoc depressio efficienda, unde cognoscatur
 quam longa superiora inferioribus prominentiora sint. Hæc notantur litera. A. pos-
 tea obuerto contra me depressionem ut aduersa facies fiat et aspiciens, Vertoque a
 fronte nonnihil in latus dextrum. Atque ita erigo lineas ex omnibus punctis literarum
 et numerorum. Deinde ex literis et numeris iuxta positæ obliquæ faciei despicientis
 A. beneficio transferentis lineas protraho transversas per illas erectas. Vbi igitur se-
 ctiones a literis et numeris coinciderint, ibi anguli designantur supra literarum in-
 fra numerorum. Cum autem suis notas lateribus coniunxi, tum apparet aduersa fa-
 cies, de obliqua illa flexa prorsus, et versa in latus, cum ipsa erecta tum etiam depres-
 sa. Hæc quoque ipsa notantur litera. B. sed insuper etiam cognoscendum qualis hæc ipsa
 pars. B. in effictionibus obliquata erecta depressa quoque appareat. Nam scitu opus est
 qualem quicque in effictione in obliquo et in aduerso formam sortiatur. Jam igitur
 hæc pars. B. in aduerso prorsus flexa et in latus versa deinceps ita obliquabitur. De-
 pressionem obuersam contra me ut aspiciens fieret, sicut dixi, Hanc reuertes æquabis
 liter ut obliqua fiat, Moxque eriges ex huius depressionis literis ac numeris lineas ex
 transferente, ubique iuxta erit aduersa flexa versa quoque facies, ibi traduces ex omnibus
 punctis numerorum et literarum transversas cum transferente per illas erectas ex
 depressione lineas. Atque ita ubi cernes sese lineas transcurrere, ibi impones notas lite-
 rarum ac numerorum et latera iunges. Ita habebis depressam et erectam formam
 huius partis, cui addes notam litteræ. C. Ex his deinceps inuenienda est hæc eadē pars
 flexa prorsus, versa in latus, etiā in latus flectat, cuius rationis aliquid supra attigi-
 mus, sed nunc ita facies. Erecta partē. D. flectes in latus dextrum, iam ante versam
 in idem latus, et cum reliqueris illi subiectam depressionem suam, ita postmodo illam
 conuenientem huic flexuræ efficies. Variari enim oportet ut superiores anguli, a. b.
 c. d. quasi cadant in latus dextrum, Inferiora autem latera, 1. 2. et 3. 4. coarctentur quæ

admodum et superiora. a. b. et. c. d. Id hoc pacto fiet. De transferente duces ex angulo-
rum superiorum literis. a. b. c. d. perpendiculares in depressionem, et apparebit sta-
tim abscissio ac productio linearum. a. b. et. c. d. declarantur enim lineis literarum des-
missio superne in depressionem. Similiter et demittuntur lineæ ex punctis numero-
rum. Quibus et ipsis ostenditur quanto arcetiora fiant latera. 1. 2. et. 3. 4. in hac depres-
sione q̄z dudum fuerant. Atq; ita cernes qualis in depressione flexura et quasi reiectio
existat ab erecta parte. Hucq; appones notam literæ. S. Quod ipsum, opus fuerit
perspectum habere, quale in obliquo videatur. Id sic consequere. Huius partis. S. de
pressionem constitues obliquæ, sicut supra de parte. E. dictum est. Quo facto eriges ex
omnibus punctis literarum ac numerorum lineas beneficio transferentis postea ex
parte notata litera. D. Eraduces transuersas per erectas, Et quibus in locis scindi li-
neas videris, illis appones suas numerorum literarumq; notas. Inductisq; lateris-
bus habebis formam huius partis obliquam, cui apponatur nota literæ. E. atq; ita
denuum absoluta habebis huius partis obliqua et aduersa quorum in opere vsus erit.


Post hæc propone quadrangulum colli, tractatoq; similiter et ad illum capitis
modum. Sed paulo minus prorsum flectes, pauloq; vertes minus in latus minusq; in
ipsum flectes. Ipsius etiam angulos literis. a. b. c. d. et numeris. 1. 2. 3. 4. insignies.
Atq; ita apparebunt formæ partium erectarum et depressarum, maxime in posteriori
ratione notæ. S. et. E. quorum sit in opere vsus. Hæc ipsa custodies et in alijs se-
quentibus partibus imaginis, sed inferiores quasq; minus flectes ac vertes, ut in omni-
bus ordo et consequentia seruetur. Atq; hinc apparebit corporis implexio in latus con-
uersi inclinatioq; ea quæ prorsus quæq; in latus fit.

Cum autem ita progrediendo perueneris ad partem quæ notatur sectione mam-
mæ et cinctus, Relinques illam recte stantē, sed conuerteres paululum in latus dextrū,
et quibus opus fuerit ea exprimes. Triplici autē expressione tantum opus est. Obliqua
propter primam depressionem quæ vertenda est, et erigenda, et tertia in qua versio
obliquatur. Et has depressiones notabis literis. E. D. E. neq; ordiere ab. A. ut semper
D. E. copulentur. Hoc etiam scies si depressionem aduersam vertere velis, Nunq̄z sus-
turum ut decipiaris, si primum incluseris eam partem quam versurus sis rectangu-
lo quadrilatero, atq; ita inclusam partem vna cum quadrilatero verteris. Aut si ex-
quisueris versionem iuxta lineam rectam perpendiculariter, animaduertens angu-
li ne obtusi an acuti partis illius ad lineam exeant, obliquis autem vtire, ut offensum
est ad transuersas rectas lineas. Vltimum erit corpus quadrangulum intra sectionē
cinctus et umbilici, quod in sectione umbilici promouebis seu flectes prorsus, Et subij-
cies illi depressionem suam quæ quia est posterior signabis litera. E. Aduersam autē
partem notabis litera. D. Bisariam autem solummodo hæc pars exprimitur, quia
semel tantum flectitur. Et in aduersa quidem cū educta fuerit erectis e depressione sua
lineis, et inductis per transferentem transuersis omnia plane recteq; apparebunt.


Hec quadrangulata pertinent ad caput.



Hæc sunt colli.




Hæc debentur summis Scapulis.




Hæc sunt superioris Thoracis.

A




B




C


D




E



Hæc vero inferioris.



Hæc sub Cinctum applicentur.



Hanc nostram doctrinā si quis vsurpandam in manus suscepit, primum imago-
 gines particulatim ut recta commensuratione explicet et apta statura effingat, Tum
 flectat conuenienter, et suas illis depressiones subiiciat, erigatq; inde perspectiuæ ar-
 tis inseruiens rationibus, atq; de his laudabile probandumq; opus efficere studuerit,
 Is facile sentiet quid fructus sibi utilitatisq; hinc sperandum sit, neq; dubium mihi
 est quin ipse hæc secutus cum plura tum etiam meliora sit exquisiturus. Neq; me fu-
 git hæc multis in locis difficultia, intellectu vsuq; visum iri, Sed his facile studium di-
 ligentiaq; succurret. Obscuritas enim scriptorum assidue lectionis et cura, vinci
 semper solet. Atq; hoc loco finire placuit his de rebus doctrinā meam, quod si Deus
 fauorem aspirarit conatibus meis, alias picturæ pluresq; rationes scriptis meis post-
 modo explicabo, Ne nostrates pictores manuum tantum vsu, sed veris etiam præces-
 ptis artis valere videantur, qua re neq; Deo gloriosius neq; gratius nostris homi-
 nibus quicq;, ut arbitror, facere possim.

Finis libri Quarti.

ELEGIA BILIBALDI PIRCKEYMHERI in obitum Alberti Dureri.

Qui mihi tam multis fueras iunctissimus annis
 Alberte, atq; mea maxime pars anime
 Quo cum sermones poteram conferre suas
 Tutus, & in fidum spargere uerba sinum.
 Quur subito infelix mœrentem linquis amicum.
 Et celeri properas non redire pede
 Non caput optatum licuit, non tangere dextram,
 Vltima nec tristi dicere uerba uale
 Sed uix tradideras languentia membra grabato,
 Quum mors accelerans te subito arripuit
 Heu spes fallaces, & mens ignara malorum.
 Quam lapsu celeri cuncta repente cadunt.
 Omnia Dureri dederat fortuna secunda
 Ingenium, formam, cum probitate fidem
 Omnia sed rursus celeri mors abstulit ausu
 Tollere sed laudes improba non ualuit
 Virtus namq; manet Dureri, atq; inclita fama,
 Splendebunt donec sydera clara polo.
 I decus, i nostre non ultima gloria gentis,
 Ductore & CHRISTO regna superna pete
 Illic non uano gaudebis semper honore,
 Pro meritis felix premia digna ferens.
 Donec nos fragiles erramus mortis in umbra,
 Et miseri cymba labimur instabili

At nos præseruans aderit quum gratia Christi
 Hoc duce faelices ingrediemur iter
 Interea mœsti lachrymas fundemus amico
 Nil quibus afflictis dulcius esse potest.
 Accedentq; preces, summum placare tonantem
 Que possint, quicq; si pia uota ualent.
 Et ne quid tumulo desit, spargemus odores
 Narcissum, uiolas, lilia, feta, rosas.
 Faelix interea somno requiesce beato
 Dormit. n. i Christo, uir bonus haud moritur.
 EPITAPHIUM EIVSDEM.
 Albertus postq; pingendo ornauerat orbem,
 Arteq; tam lepida cuncta repleta forene.
 Nunc restat cælum, dixit, pingatur ut altum,
 Mox terram linquens sydera clara petit.
 ALIUD.
 Ingenium, probitas, candor, prudentia, uirtus,
 Ars, pictasq; fides, hic tumultata iacent.
 ALIUD AB EODEM.
 Per lachrymas posset si uita Alberte, reuerſi
 Non corpus uili hoc contegeretur humo.
 Sed quia non lachrymis, nec flendo facta mouentur
 Mœrendo tantum soluimus inferias.

EPITAPHIA IN ALBERTVM
Durerum, Eobani Hefsi.

Quo situs Albertus tumulo Durerus, eodem
Picturæ ratio tota sepulta iacet.

ALIVD.

Artis & ingenij laudem si facta morentur
Certum est Durerum non potuisse mori.
Ergo sub hoc nondum totus iacet ille sepulcro
Ingenij famam uiuus ad astra tulit.

ALIVD.

Quid properas subsiste parum lecture uiator,
Hic sita Dureri mollis ossa cubant.
Est operæ precium talem spectare ruinam
Cum qua picturæ concidit omnis honor.

ALIVD.

Quid uitam coluisse iuuat quasque per artes
Quando ea momento mors rapit atra breui
Par fuit Alberto Pictorum nemo, sed illum
Facta diu sumnum non potuere pati
Præscidit ergo uiri uitam mors solce maligna
Et dixit moriens sic quoque non morieris.

ALBERTO DURERI NOBILIS.

Pictori & Geometræ in Norico. Q. V.

An, LVII. Ioach. Camer. F.

Filium Alberte tibi, cum neret parca supremum
Et plenum uitæ conglomeraret opus,

Sic pro te fertur rerum natura locuta,
Vltiora petens tempora pauca tibi.
Parcite fatales euoluere pensa sorores
Ducitur ex ista gloria nostra colo
Vnus quas rerum uiuas ego procreo formas,
Hic similes ueris fingere doctus homo est.
Quid quod nostræ huius uires superantur ab arte
Et natura parens quod nequit iste potest?
Hoc ego continuata seror, neque diuidor, inque
Veris hiems medio uer hiemisque manet.
Hic ut spectentur uiuos facit inter humati
Hoc antiqua uidet secula posteritas.
Hic ferat ut tellus omnis passim omnia quæ sunt,
Quæque futura putant quæque fuere facit.
Talia, cum uellet concedere parca roganti,
Abstulerat crimem Persephonea sacrum.

Ιωαχείμδ.

οἱς ποτ' ἀπελλὰαι χεῖρες θαυμάστ' ἐδ' ὀκνησας
ἡβαιέμ' ῥώντας ταῦτ' ἐθέλοιμι βλέπειν,
ὅσδ' ἀποδ' ἐρίρου τέχνης μνημέα λίποντο
ζωγράφος ἔργ' ἄγαθ' εὐγχαφέως τε καλ' δ.
ἦτ' αὖ ταῦθ' ὁρώοντες, ἀπελλήσ' οὐ μόνον ἡμῖν
ἀλλὰ καὶ ἄλλοις τοῖς τευθόσιμ, ἔμπορ, ἔκμ.

M. Beatis. G.

Memorie Alberti Dureri, viri optimi, ac cetate sua pictoris absolutissimi, qui non solum primus e Germanis picturam auxit, illustrauit, ac ad seueriorem legem restringit, sed et literis posteritati commendare coepit, ob quam rem, precipue vero mores compositos, prudentiam ac modestiam singularem, Nurenbergensibus suis, imo exteris omnibus fuit charissimus, Diuo vero Maximiliano, ac nepoti eius Carolo, Cæsaribus, nec non Ferdinando Hungariæ ac Bohemice Regi, acceptissimus, qui illum annuo largoque stipendio fouerunt, ac summo prosequuti sunt fauore. Obijt autem non sine magno amicorum desiderio. 8. Idus Aprilis. Anno. 1528. Aetatis vero suæ. 57.

Bilibaldus Pirckeymherus
amico integerrimo. M. P.

In his libris qui operam lectionis forte posuerit, cum alia inter excudendum admissa et a se animaduersa errata benigne corrigat tum notata a nobis emendet, In q3 primis in præfatione primi libri permutatos versus et confusam sententiam inter occasionem operis. Hoc modo. a. 3. a tergo Versu. 23. lege Non enim fugiebat me quanto difficilior esset labor futurus mortuo authore q3 fuisset viuo, et quod maxime contrarium esset, occupatus re. Et Versu ultimo et deinceps primo sequentis cartæ dele hęc verba. Labor futurus mortui authore q3 fuisset viuo, et quod max. contrariū esset.

Postea in libro. 3. carta. a. 1. Versu a fine. 2. lege si qui.

a. 2. B. 8. pone punctum ante. nihil. 12. punctum ante, relinquet tolle. Tolle et a tergo B. 11. a fine post exiit.

a. 3. B. 3. ad dele. B. 12. le. discernit. B. 15. le. totam hanc rationem. B. 24. leg. π α ο
ε α δ α δ α ω ε. B. 26. le. decurtationis. B. 5. a fine le. decurtatione. a. ultimo B. 1. lege productionibus.

b. 1. a tergo Juxta imaginem virilem sic lege. Infra genu. Ima sura exterius. Ima eadem interius. Mons ped.

b. 2. a tergo B. a fine. 7. le. vt. a. c. descr.

c. 2. supra prima facie le. elatam.

c. 3. a tergo in scriptura intra capita. B. 2. lege sed duo.

c. 4. B. 12. lege hanc non hac. B. 25. le. quæ non qua. B. 7. a fine le. acutius. A tergo. B. 6. le. labconibus.

c. 6. B. 20. lege elaborantur. B. 25. lege tenuia.

c. 1. B. 1. lege propositæ. c. 4. a tergo. B. 1. lege peruertendi. B. 15. lege nisi vsui ac comod. B. 12. a fine lege appon.

Ad peruertentis diuersionem ascribe. Mens. viril. imagi. ultimo loco descr. in libro. 2. f. 3. B. 19. lege ipsi su. a tergo. B. 9. lege putandum? B. 21. dele cer. B. 29. le. Eodem enim modo et.

f. 4. a tergo. B. 17. a fine lege tenuibus. f. 5. B. 14. a fine lege nequaquam.

Libro. 3. g. 2. a tergo. B. 5. lege designatæ part. g. 3. B. 10. lege nerui.

g. 4. B. 3. lege angularibusue fig. B. 5. a fine lege cranium. A tergo. B. 2. lege illa.

g. 5. B. a fine. 3. lege aggrediamur. a tergo. B. 12. lege dextrum autem dirig.

J. 2. columna. 2. B. 2. lege in latus. B. 6. lege semper. J. 5. B. 16. lege alijs has fig.

B. ultimo lege scalpenti. A tergo. B. 7. lege facile ad fin. B. 8. lege foret, diff. B. 11. a fine lege sint, tunc intel.

k. 1. B. 5. a fine lege, quomodo etiam in la. a tergo. B. 9. lege oblique,

l. 4. a tergo. B. 8. lege assiduitate lecti.

Finium opus Anno a salutifero partu. 1534. 9. Cal. Decemb.

Impensis viduæ Durerianæ, per Hieronymum

Fornischneyder Norimbergæ.



FWO 84 B
NC 7187
765
D852 l
1534 Inv. #
63

